

山谷詩注

內集  
別集  
外集

七








叢書集成  
初編

商務印書館



山 谷 詩 注

內 集 外 集 別

(七)

黃 庭 堅 撰

山谷外集詩注卷九

玉京軒

元注云玉京山在爐峯下落星寺僧開軒對之○按纂異蜀本云蒼山其下白玉京廣成安期來訪道紫雲黃霧鎖玄關雷驅不祥電揮掃上有千年來歸之白鶴下有萬世不凋之瑤草野僧雲臥對開軒爐香霏霏日杲杲稻田衲子非

黃冠一鉢安巢若飛鳥莫見仙人乞玉泉問取紫霄耶舍老又山谷有真蹟跋語云將且起坐復得長句忽忽就竹輿不暇寫歲行一周道純已凋落為之隕涕故書遺超人可刻石於吾二人醉處他日有與予友及道純好事者尙徘徊碑側元祐六年大

寒黃庭堅書自元祐逆數元豐蓋庚申歲一周也

蒼山其下白玉京五城十二樓

史記封禪書方士有言黃帝時為五城十二樓以候鬱儀結鄰常杲杲黃庭經云鬱儀結鄰善相保注云鬱

儀奔日之仙結鄰奔月之仙毛詩杲杲出日

紫雲黃霧鎖玄關

文選王簡栖碑云玄關幽鍵

雷驅不祥電揮掃

韓文送李愿歸盤谷序云鬼神守護兮呵禁不祥老杜詩去秋羣胡反不得無電掃

上有

千年來歸之白鶴

續搜神記遼東華表柱有鶴歌曰有鳥有鳥丁令威去家千歲今來歸城郭猶是人民非何不學仙家巢粟

下有萬世不凋之瑤草

江淹香爐峯詩瑤草正翕純注云玉芝也老杜詩方

期拾瑤草李太白詩上有無花之古樹下有傷心之春草

野僧雲臥對開軒

杜詩雲臥衣裳冷 一鉢安巢若飛鳥

傳燈錄有道吾和尙一鉢歌 北風卷沙過夜窗枕底

鯨波撼蓬島。太白詩。白波連山倒蓬壺。又云海鯨東蹙百川回。箇中即是地行仙。但使心閒自難老。楞嚴經第八卷。有十仙種名地行仙其一也。

過致政屯田劉公隱廬

劉渙字凝之。筠州人。舉進士。為穎上令。以剛直不屈。棄官家于廬山之陽。時年五十。歎陽公為作廬山高。按蜀本拜劉凝之畫像。詩置之崇甯元年。時山谷自荆入岳。遵陸至萍鄉。回途自筠陽豫

章山行。由東林太平觀至江州。初不經南康。且道純已卒于元祐前。而詩中有少子似公賢之句。則是詩作于元豐無疑。

兒時拜公牀。

後漢馬援傳。嘗有疾。梁松來候之。獨拜牀下。龐公傳注。諸葛孔明每至德公家。獨拜牀下。

眼碧眉紫煙。

祖庭事苑。初祖達磨。眼有紺青之色。故稱祖曰碧眼。

舍前架茅茨。爐香坐

僧禪。女奴煮鬻粟。

杜詩。童子能煎鬻粟湯。

石盆瀉機泉。

退之聯句云。機春潺湲力。莊子天地篇。鑿木為機。後重前輕。挈水若抽。其名為機。

今來掃門巷。

杜詩。三年門巷空。

竹閒翁

蛻蟬。退之謝自然詩。入門無所見。冠屨同蛻蟬。

堂堂列五老。

寰宇記云。五老峯在廬山東。高崖突出。如五人相逐羅列之狀。

勝氣失江山。石盆爛黃土。茅齋薪壞椽。女奴

為民妻。又瘞蒿里園。

漢武五子傳。廣陵厲王歌曰。蒿里召兮郭門闕。注云。死人里也。

當年笑語地。華屋轉朱欄。

曹子建詩。生存華屋處。

課兒種松子。傘蓋上

參天。

文選。曹子建詩。荆棘上參天。

投策數去日。木行天再環。

尚書考靈耀云。歲星木精也。歲星十二歲一周天。自兒時拜公牀。至是二十四年矣。恐是山谷兒時。嘗拜凝之。至元豐庚申歲。過其隱廬。蓋天再環矣。山谷是

年三十六。則拜凝之時。年十二。必少時自豫章至南康也。

先生古人風。鐵膽石肺肝。

皮日休稱宋廣平。鐵腸石心。見日休桃花賦序。文選。曹子建三良詩。哀哉傷肺肝。

眼前不可意。壯日挂其

冠解衣廬君峯

按世說言遠公在廬山事引豫章舊志曰廬俗字君孝本姓匡夏禹苗裔野王助漢定天下野王亡軍中漢封俗鄆陽男食邑千茲印曰廬君故世謂廬山又引遠法師廬山記有匡俗先生廬

洗耳瀑布源

莊子堯讓天下于許由巢父聞之而洗其耳李白廬山瀑布詩云日照香爐生紫煙遙看瀑布掛長川飛流直下三千尺疑是銀河落九天

霧豹藏文章驚世時一斑見前

衆人初易之久遠

乃見難

退之答李翱書及之而後知履之而後難耳

憶昔子政在爲翁數解顏

劉向字子政以比道原也道原名恕凝之子列子云老商始一解顏而笑

五兵森武庫

周禮夏官司兵五盾

注戈受戟會矛夷矛晉杜預傳號曰杜武庫言其無所不有也道原博學強記裴楷傳目鍾會云如觀武庫森森但見矛戟在前

河漢落舌端

莊子第一篇眉吾問于連叔曰吾聞言于接輿吾驚怖其言猶河漢而無極也韓詩外傳君子避三端

文士之筆端避士之舌端

王陽已富貴塵冠不肯彈

漢書王吉字子陽與貢禹爲友世稱主陽在位貢禹彈冠道原與王介甫有舊介甫欲引道原修三司條例辭不就因言宜恢張堯舜之道不應以財利

爲先介甫不能用亦未之怒也及呂誨得踁知鄧州道原見介甫曰公所以致人言蓋亦有所未思因爲條陳所更法令不合衆心者宜復其舊則議論自息介甫怒遂與之絕道原以親老遂告歸南康乞監酒稅以就養

呻吟刊十史凡例

墨新乾

道原著十國紀年四十二卷杜預春秋經傳集解序云其發凡以言例皆經國之常制又云修丘明之傳以釋經經之條貫必出于傳傳之義例總歸諸凡老杜八哀詩贈李邕云各滿深望還森然起凡例

宰木忽拱把莊子人聞

世云宋有荆氏者宜楸柏桑其拱把而上者求狙猴之杙者斲之宰木見前注

相望風隧寒

左傳隱元年穎考叔曰若闕地及泉隧而相見其誰曰不然注云隧若今延道

百楹書萬卷少子似翁賢少子謂道

也純

壽聖觀道士黃至明開小隱軒太守徐公爲題曰快軒庭堅集句詠之

洪覺範冷齋夜話云山谷在星渚賦道士快軒詩點筆立就其略曰吟詩

作賦北窗裏萬言不及一杯水願得青天化作一張紙想見其高韻氣摩雲霄也覺範安知此爲何人語而遽評品耶星渚卽落星灣已見前注山谷以集句爲百家衣而此篇專取太白一家略閒他人數言以成章也太白古風云金華牧羊兒乃是紫煙客

襄陽歌云鸚鵡杓鸚鵡盃百年三萬六千日一日須傾三百盃清風明月不用一錢買玉山自倒非人推蜀道難云砮崖轉石萬壑雷寒夜獨酌云吟詩作賦北窗裏萬言不直一杯水山中對酌云兩人對酌山花開一杯一杯復一杯廬山謠云廬山秀出南

斗傍銀河倒掛三石梁送賈明府云有長鯨白齒若雪山遷詩云桂水日千里因之平生懷古樂府羅敷行使君東南來五馬立踟躕呂洞賓詩云一粒粟中藏世界一升鐘內煮乾坤

金華牧羊兒一粒粟中藏世界使君從南來清風明月不用一錢買鸚鵡杓鸚鵡杯一杯一杯復一杯玉山自倒非人推廬山秀出南斗傍登高送遠形神開銀河倒挂三石梁砮崖轉石萬壑雷吟詩作賦北窗裏安得青天化作一張紙有長鯨白齒若雪山我願因之寄千里

駐輿遣人尋訪後山陳德方家

江雨濛濛作小寒雪飄五老髮毛斑

五老峯見前注

城中咫尺雲橫棧獨立前山望後山

題李夫人偃竹

李夫人山谷之姨母公擇之妹善臨松竹木石見米芾畫史

孤根偃蹇非傲世

唐杜審言傳恃才高以傲世

勁節擢枝萬壑風閨中白髮翰墨手落筆乃與天同功

唐李賀詩筆補造化天無功



次韻章禹直開元寺觀畫壁兼簡李德素

禹直字嗣功。嘗以上書言新法。羈管洪州。詳詩中語意。山谷未赴太和家居時作。

丹青古藏壁。風雨飽侵食。拂塵開藻鑿。

老杜詩。持衡留藻鑿。

志士淚霑臆。

老杜云。人生有情淚霑臆。

靈山遠飛來。不可以智測。

臨安靈隱山有飛來。

峯。晏元獻輿地志云。晉成和元年。西天僧慧理曰。此是中天竺國。鷲鷲山之小嶺。不知何年飛來。

龍神湛回向。

楞嚴經。有十回向。

擁衛立劍戟。依稀吳生手。旌旆略可識。

老杜云。畫手看

前輩。吳生遠擅場。又曰。冕旒俱秀發。旌旆盡飛揚。又云。依稀樞奴跡。

鴻濛插樓殿。

張衡思玄賦。踰濛濛于冥冥。今貫倒景而高厲。老杜靈湫作云。東山氣濛濛。宮殿居上頭。又嶽麓山道林二寺行云。殿腳插入赤沙湖。

毫髮數動植。

周禮大司徒。其動物宜毛物。其植物宜阜物。杜詩直欲數秋毫。

廣林瞻二聖。有衆拱萬億。

詩云。萬億及秭。

飛行湊六合。

莊子。六合之內。聖人論而不議。六合之外。聖人存而不論。

人人開生面。

老杜丹青引。凌煙功臣少顏色。將軍下筆開生面。

絕妙推心得。

莊子。得之心。應之手。世說。曹娥碑題云。絕妙好辭。

李侯天機深。

莊子。大宗師篇。其嗜欲深者。其天機淺。杜詩。劉侯天機精。

指

點目所及。杜詩。指點虛無。是征路。

三生石上夢。

甘澤謠。記圓澤事云。圓澤歌曰。三生石上舊精魂。賞月吟風不要論。慚愧情人遠相訪。此身雖異性長存。

天樂鳴我側。

太白登瓦官閣詩。漫漫雨花落。嘈嘈天樂鳴。又

東林寺詩。天香生虛空。天樂鳴不歇。

幽尋前日事。

退之詩。幽尋事隨去。

晦明忽復易。章生南溟鵬。

莊子。北溟有魚。化而為鳥。其名爲鵬。海運則將徙于南溟。

籠檻鎖六翮。

韓詩外傳。鴻鵠一舉

千里。所恃者六翮耳。

能同寂寞遊。濁酒聊放適。

文選。穆叔夜書。濁酒一盃。彈琴一曲。志願畢矣。

西風葉蕭蕭。蟋蟀依牆壁。

月令。季夏。蟋蟀居壁。

家無萬金產。

退之詩。指

渠相賀言此是萬金產

四鄰碁聲急杜詩白帝城高急碁碁

藜羹傲鼎食

見前注退之送惠師云羹無一金資翻謂富者貧

藍縷亦山立

左傳宣十二年篳路藍縷樂記繩于而立玉藻山立時行言

雖貧而不動如山也

並船有歌姝粉白眉黛黑淮南子云粉白黛黑韓文云粉白黛綠

期公開顏笑醉語雜翰墨不須談俗事祇令人氣塞滄化

帖王羲之書云而艱疾若此令人短氣唐書田令孜矯詔殺孟昭圖聞者氣塞而不敢言此言熙豐之政

豐城

元注云亭上有李衛公劍池賦世父長善石隄記○豐城乃洪州屬邑洪今為隆興府

豐城邑巖巖詩云太山巖巖

水種六萬戶石隄眠長虹

朝野僉載趙州石橋望之如初月出雲長虹飲瀾

輟棹日沈霧

杜詩翳翳月沈霧暉暉星近樓

令君政有聲

新亭延客步淚落世父碑

晉羊祜襄陽百姓于峴山立碑望其碑者莫不流涕杜預因名墜淚碑

心傾文饒賦

李德裕字文饒有劍池賦云丙辰孟夏子屆途豐城弭楫江渚閒埋劍之地則有池存焉感人

亡劍去因憶昔兩神兵

周亞夫傳兵事上神密張景陽七命注曰劍能威天下故謂之神兵南史沈慶之傳文帝北侵慶之處分旬日內外整辦時皆謂神兵杜詩近賀中興主神兵勳朔方

埋玉思武庫晉庾亮傳埋玉

樹于土中武庫見前注

寒光射漢津爾雅析木謂之津箕斗之間漢津也

兩賢紆一顧張公拆中台

杜詩星拆台衡地注中台星拆張華見誅

木拱孔章墓不能從兒

嬉退之送張道士詩又不媚笑語不能伴兒嬉

歲晚龍蛇去空餘寒泉泓因雨長蛙鮒鉛刀藏寶室萬世同此度

張華傳斗牛之間常有紫氣華遊豫章雷煥問

之。煥曰寶劍之精。上徹于天。在豫章豐城。卽補煥爲豐城令。煥到縣。掘獄基。入地四丈餘。得一石函。中有雙劍。並刻題。一曰龍泉。一曰太阿。送一與華。留一自佩。華誅失劍所在。煥卒。子華持劍。行經延平津。劍忽于腰間躍出。墮水。使人入水取之。但見兩龍。各長數丈。華少子。雖以中台星拆。勸華遜位。華不從而難作。雷煥子孔章。見水經贛水注。篇末用買誼賦。其耶爲鈍鉛刀爲銛之意。離騷經云。何不改此度也。

### 上蕭家峽

玉筍峯前幾百家。山明松雪水明沙。

文選顏延年詩。庭昏見野陰。山明望松雪。

趁虛人集春蔬好。桑菌竹萌煙蕨芽。

一作趁虛人在煙中語。荷蓀歸來有

蕨芽。柳子厚柳州詩云。青箬裹鹽歸洞客。綠荷包飯趁虛人。元注云。虛市也。寰宇記。吉州廬陵縣玉筍山。道書福地記云。此山地肥美。宜穀辟兵。桑菌。桑椹也。詩食我桑椹。爾雅。筍竹萌。山谷嘗有詩云。蕨芽已作小兒拳。

### 何蕭二族

西漢功名相國多。南朝人物數諸何。

相國謂蕭何也。南史何尙之傳。廬江濞人。子孫弟姪。附傳者八人。

向來富貴喧天地。亦有文章在溯阿。

溯阿見前

注。

### 魏夫人壇

獨掃蛾眉作遠山。

卓文君眉色不加黛飾。常如遠山。杜詩。淡掃蛾眉朝至尊。

春風瑤草照朱顏。

李白詩。相期拾瑤草。

我來欲問許玉斧。二十四峯如髻鬟。

寰宇記。撫州臨川縣西北六里二百步。有魏夫人壇。神仙內傳。夫人晉司徒舒之女。傳法子護軍長史許穆。穆子玉斧。皆昇仙。韋應物。綠華歌云。世淫濁兮不可降。胡不來兮玉斧家。

### 隱梅福處

吳門不作南昌尉。上疏歸來朝市空。淵明詩。一世異朝市。笑拂巖花問塵世。故人子是國師公。漢書。梅福字子真。九江灊春人。寰宇記。洪州南昌縣有梅

福池。福歎曰。生爲我酷。仕爲我桎。形爲我辱。智爲我毒。于是棄南昌尉。去妻子。入洪崖山。得道爲神仙。代代有人。或于玉笥山中逢見。詩意謂梅福與劉向皆仕元成閒。數上疏直諫亦略相似。而向之子歆改名秀。王莽篡位。歆爲國師。後事皆在莽傳。

### 蕭子雲宅

郁木坑頭春鳥呼。雲迷帝子在時居。風流掃地無尋處。只有寒藤學草書。南史。齊高帝孫子雲。字景喬。善草隸。日云。效鍾元常。王逸少。而微變字體。出爲

東陽太守。百濟國使人至。建業求書。逢子雲爲郡。維舟將發。望船三十許步。行拜行前。子雲遣問之。答曰。侍中尺牘之美。遠流海外。今日所求。唯在名迹。子雲停船三日。書三十紙。與之。獲金貨數百萬。玉笥山記曰。蕭子雲來樓止。有人謂曰。東北有洞曰都木坑。水自東注。可以久居。子雲遂徙家居之。後全家隱洞中。不知所之。其地名都木巖也。大歷初。有道士謝修通。居此山四十年。後遇人引行。見宅基。遂結庵居之。長慶初入都木坑。見一宅。重扉須臾。有青衣童子招修通入。見一人紫綬。戴冠佩劍。立堂之左。一人碧綬。素簡。立堂之右。童子曰。左者蕭君。右者梅君。卽梅福也。此記詳見太平御覽。郁木坑頭當作都木坑。掃地見前注。

### 避秦十人

九真承詔上龍胡。

史記封禪書。有龍垂胡髯。下迎黃帝上騎。羣臣從者七十餘人。按漢金日磾傳。擗胡投莽。何羅殿下注胡頸也。尙書序云。承詔作傳。

盡是驪山所送徒。惟有鄧公留不

去。松根搗鼎煮菖蒲。

漢高紀。爲縣送徒驪山。

### 黃雀

牛大垂天且割烹。

莊子逍遙篇。其翼若垂天之雲。以割烹要湯。見孟子。

細微黃雀莫貪生。頭顱雖復行萬里。

卿頭顱方行萬里。見袁紹傳。王荆公嘗用此事作二十字。送呂望之赴臨

江云。黃雀有頭顱。長行萬里。餘想因君出守。暫得免苞苴。

猶和鹽梅傳說羹。

和羹見尙書說命。

### 到官歸志浩然二絕句

到官。蓋初至太和也。此後皆太和所作。

雨洗風吹桃李淨。

劉夢得詩。桃花淨盡菜花開。

松聲聒盡鳥驚春。滿船明月從此去。本是江湖寂寞人。

鳥鳥未覺常先曉。笳蕨登盤始見春。

聽鶉未鳴而先起。因見笳蕨始知春深。言作邑之勞如此也。

斂手還他能者作。從來刀筆不如人。

漢曹參傳。起秦

刀筆吏。古師曰。刀所以削書。古者用簡牒。故吏皆以刀筆自隨也。陳湯傳。挫于刀筆師。古曰。刀筆謂吏。

題吉州承天院清涼軒

菩薩清涼月

東坡詩亦如詞佛丹霞老卻向清涼禮白毫注清涼山萬菩薩所在

遊於畢竟空

維摩經云無戲論畢竟空故楞嚴經若離明暗見畢竟空

我觀諸境盡心與古人同僧

髮侵眉白桃花映竹紅儻來尋祖意展手似家風

傳燈錄南岳讓禪師問嵩山安知何是祖師西來意安曰如何不問自己意

次韻答楊子聞見贈

金盤厭飫五侯鯖

五侯鯖見前注

玉壺澆潑郎官清

國史補云酒則郢之富水烏程之若下榮陽之士窟春劍南之燒春京城之蝦蟇陵郎官清李白詩玉壺美酒清若空

長安市上醉不

起老杜云李白斗酒詩百篇長安市上酒家眠

左右明妝奪目精

楊炯少室山廟碑光照耀兮奪目退之李花詩云靜澗明妝有所奉目精見前注

結交賢豪多杜陵

班孟堅西都賦云鄉曲豪舉遊俠之

雄連交合衆馳驚乎其中若乃觀其四郊浮遊近縣則南望杜鰲北眺五陵英俊之城拔冕所興注云宣帝葬杜陵文帝葬霸陵

桃李成蹊臥落英

上林賦垂條扶疏落英繽紛

黃綬今爲白下令

元注云太

和縣古白下○漢朱博傳云刺史不察黃綬師古曰丞尉職卑皆黃綬

蒼顏只使故人驚督郵小吏皆趨版

晉陶潛傳潛爲彭澤令素簡貴不私事上官郡遺督郵至縣吏白應束帶見之潛歎曰吾不能爲五斗米

折腰拳拳事鄉里小人解印去縣趨版謂執手版而趨手版見前注退之詩勿嫌法官未登朝猶勝赤縣長趨尹趨字蓋取此義

陽春白雪分吞聲

李白古風郢客吟白雪遺響飛青天徒勞歌此曲舉世誰能傳試爲郢人唱和者乃數千聲吞

何足道歎息空悽然江淹恨賦莫不飲恨而吞聲鮑明遠和行路難心非木石豈無感吞聲躑躅不敢言杜詩吞聲躑躅涕淚零

楊君青雲貴公子

劉伶酒德頌云貴介公子

歎嘆簿領困書生

劉公幹詩沈迷簿領

書李善曰簿領謂文簿而贈我新詩甚高妙淚斑枯笛月邊橫述異記舜葬蒼梧二妃淚下沾竹文悉爲之斑唐高駢題二妃廟當時珠淚垂多少直到如今竹尙斑文章不

直一杯水太白云吟詩作賦北窗裏萬言不直一杯水老矣忍與時人爭江城歌舞聊得醉但願數有美酒傾莫要朱金纏縛我陸

沈世上貴無名揚子法言紆朱懷金之樂老子曰無名萬物之始又曰道常無名李白詩含光混世貴無名何用孤高比月明

### 聞致政胡朝請多藏書以詩借書目

萬事不理問伯始萬事不理問伯始天下中庸有胡公見後漢胡廣傳廣字伯始藉甚聲名南郡胡名聲藉甚見陸賈傳胡廣南郡華容人遠孫白頭坐郎省蔡質漢宮典職云尙

書郎省中以乞身歸來猶好書手抄萬卷未闕筆典略王粲才既高辨每朝廷奏議卿相闕筆不敢措手唐劉知幾傳云闕筆相視含毫不斷心醉六經還荷鉏列子

見之而心醉見列子中說云心若醉六經目若營四海常林性好學帶經耕鉏願公借我藏書目時送一鷗開鑊魚古語借書一癡還書一癡或謂癡當作飭說文云飭音絺注酒器按集韻飭字注云古以借書借書

餽酒一紙還書亦餽酒一紙獨蘇黃詩乃作鷗東坡云不持兩鷗酒肯借一車書山谷又有詩云莫借借行千里他日還君一鷗秦少游亦云知續春明退朝餘借觀當奉一鷗還蓋用揚雄酒箴鷗夷滑稽腹大如壺盡日盛酒人復借酤師古曰章囊盛酒也芝田錄云門鑰

必以魚者取其不瞑目守夜之義李義山詩鷗舟繫兩岸魚鑰啓重關

戲贈南安倅柳朝散

柳侯風味晚相見。衣袂頗薰荀令香。

襄陽記劉季和云荀令君至人家坐席三日香詳見觀王主簿餘醜詩注

桃李能言妙歌舞。

借使李廣傳桃李不言

樽前一曲

斷人腸。

劉禹錫于李司空坐上賦詩曰髮髩梳頭宮樣妝春風一曲杜章娘司空見慣渾閒事斷盡江南刺史腸李因以妓贈之

洞庭歸客有佳句。

玉臺新咏有梁柳惲江南曲云洞庭有歸客瀟湘逢故人

康嶺梅

花如小棠。

庚嶺見前注詩蔽帶甘棠箋云召伯舍小棠之下正義郭璞曰今之杜梨又曰杜赤棠白者棠然則其白者爲棠其赤者爲杜宜以比梅也

乘興高帆少相待。淮湖秋月要傳觴。

文選

南都賦僕才齊敏授爵傳觴

題槐安閣

井序○東禪屬虔州山谷自太和考試南安過虔州作

東禪僧進文。結小閣于寢室東。養生之具。取諸左右而足。彼雖聞中天之臺。百常之觀。

文選西京賦徑百常而壘

擢注云倍尋曰常

蓋無嫪慕之心。予爲題曰。槐安閣。而賦詩。夫據功名之會。以媯媯一世。其與蟻丘亦有辨

乎。雖然。陋蟻丘而仰泰山之崇嶺。猶未離乎俗觀也。

瀟子夢夢大槐安國。詳見宿觀音院詩注。



曲閣深房古屋頭，病僧枯几過春秋。垣衣蛛網蒙窗牖。本草：垣衣一名昔邪。又云：在墻垣謂之垣衣。在水中石上謂之陟釐。萬象縱橫不繫留。賈誼

賦：汎乎若不繫之舟。白蟻戰酣千里血。檀羅國來伐，王命勞征之，敗績，亦槐安國事也。晉楚戰于鄆陵，戰酣之時，子反渴而求飲，見淮南子。黃梁炊熟百年休。炊黃梁未熟，見前注。王荆公詩：邯鄲四十餘年夢，相對黃

梁欽功成事遂人閒世。老子：功成名遂身退，天之道。人閒世，莊子篇名。欲夢槐安向此遊。

洪範以不合俗人題廳壁二絕句次韻和之。余洪範名下，山谷元豐四年自太和往南安軍考試，經行贛上，洪範時為贛州郡掾，與之唱和，故有南康郡下參軍之句。南康即贛州之郡名。

有答洪範二首寄一詩皆此時作。

寂寥吾道付萬世，忍向時人覓賞音。臨博而企城，聞樂而竊抃者，或有賞音而識道也。見曹子建求自試表。聞絃賞音，見吳志周瑜傳。集中答明略云：枯桐滿腹生蛛網，忍向時人覓清賞。皆用鍾期伯牙事。搔

首金城西萬里，樽前從此嘆人琴。元注云：德占最知洪範，徐德占死事，見後和答魏道輔詩注。晉王徽之傳：徽之奔喪不哭，直上靈牀，取獻之琴彈之，久而不調，歎曰：嗚呼！子敬人琴俱亡。白樂天祭元微之文：絃

筆兩絕，其今日乎，乃人琴俱亡之意也。

埋沒高才築釣閒。杜牧之築釣乘時用，言傳說太公也。韓文公代裴相辭官表：高宗登傳說子版築，周文用呂望子釣屠。風雲未會要鯢桓，南康郡下參軍耳。付與紅

塵白眼看。鮑桓青白眼。並見前注。

發贛上寄余洪範

山谷真蹟第三聯。卻作紅衣傳酒傾諸客。清夜中談誇九州。又有題名云。王誠之。柳誠甫。周道甫。魏伯殊。余洪範。徐適道。徐致虛。馬固道。東禪惠老。及詩一首云。惠老有才氣。往來三十年。松風沈永日。詩句即深。

禪。萬水千山裏。長安大道邊。相逢

欲留語。此月別時圓。因附注此。

二川來集南康郡

慶州治贛縣。唐武德曰慶州。天寶曰南康郡。二川謂贛水。章水。皆北流。合于贛縣。流入大江。紹興二十三年。改作贛州。

氣味相似相和流。

白樂天長恨歌。迴看血淚相和流。

木落

山明數歸鴈。鬱孤欄楯繞深秋。

鬱孤臺在慶州。

胸中淳于吞一石。

史記。淳于髡一石亦醉。

塵下庖丁解十牛。

莊子音義。庖人丁其名也。管子有屠牛坦。一朝解九

牛。又賈誼傳。屠牛坦。一朝解十二牛。而芒刃不頓者。所排擊剝割。皆衆理解也。塵下疑是筆下。

他日欲言人不解。西風散髮棹扁舟。

秘叔夜詩。散髮巖岫。

次元明韻寄子由

山谷兄大臨。字元明。寄子由詩云。鐘鼎功名淹管庫。朝廷翰墨寫風煙。管庫謂監筠州鹽酒稅也。子由在筠有東軒記。實元豐三年十二月作。是歲庚申。山谷得邑太和。辛酉到官。

半世交親隨逝水。

論語。子在川上曰。逝者如斯夫。不舍晝夜。劉楨詩。逝者如流水。哀此遂分離。盧全詩。百年逝過如流川。

幾人圖畫入凌煙。

唐書。貞觀中。功臣圖形凌煙閣。

春風春雨花經

眼。江北江南水拍天。

韓詩海氣昏昏水拍天。

欲解銅章行問道。

漢官儀。縣令秩五百石。銅章墨綬。欲解銅章。可見太和作四首同時。

定知石友許忘年。

石友忘年。並見前注。

令各有思歸恨。日月相催雪滿顛。杜詩千戈況復歷隨眼。鬢髮還應雪滿顛。言彼此皆有兄弟之思。如春令在原也。

再次韻奉答子由

蝨尾銀鉤寫珠玉。見前刻藤蜀繭照松煙。唐舒元與有甲刻藤文繭紙見前注似逢海若談秋水。莊子秋水篇見前注始覺醜雞守甕天。莊子

方簫孔子曰。丘之于道。其猶醜雞歟。微夫子之發吾覆也。吾不知天地之大全也。杜詩。謬知終畫虎。微分是醜雞。

何日清揚能覲面。鄆國風。君子偕老云。子之清揚。揚且之顏也。注云。清視清明也。揚。廣揚而頭角豐滿。魯國風。猶嗟云。抑若揚兮。目上為名。目下為清。又云。清揚婉兮。

只今黃落又凋年。月令季秋。草木黃落。漢武帝秋風詞。草木黃落。今鷹南歸。文選舞鶴賦。窮陰殺節。急景凋年。萬錢買酒從公醉。

錢飲如長鯨吸百川。杜詩。左相日與費萬錢。飲如長鯨吸百川。一鉢行歌聽我顛。傳燈錄。道吾和尚有一鉢歌。

再次韻寄子由

再次韻寄子由

想見蘇耽攜手僊。神仙傳。蘇仙公。桂陽人。漢文帝時。得道仙去。後有白鶴來止郡城東北樓上。人或挾彈彈之。鶴以爪攫樓板似漆。書云。城郭是。人民非。三百甲子一來歸。吾是蘇君彈何為。又一說。蘇耽者。桂陽人也。少以至孝著稱。初去時云。今年大疫。死者略半。家中井水。飲之無恙。果如所言。出洞仙傳。所載鄉里及行事。大槩皆同。可見仙公即蘇耽也。青山桑柘冒寒煙。騏驎墮地思千里。韻書曰。騏驎。白馬黑脊。傳休莽。豫章行云。男兒當門戶。墮地自生神。

虎豹憎人上九天。宋玉招魂云。魂兮歸來。君無上天些。虎豹九關。啄害下人些。風雨極知雞自曉。鄭國風。風雨凄凄。雞鳴喑喑。雪霜寧與菌爭年。莊子。遺遙篇。朝菌不知晦朔。

山谷外集詩注 卷九

姑不知春秋此小年也杜牧題魏文貞蠅姑寧與雪霜期賢  
哲難教俗士知詩意謂松柏冒霜雪豈與朝菌較脩短耶

何時確論傾樽酒醫得儒生自聖顛

元注云出素問今按難經  
五十九難曰狂顛之病何

以別之自高賢也自辨智也  
自貴倨也妄笑好歌樂也

次韻寄上七兄

學得屠龍長縮手

屠龍見前注

鍊成五色化蒼烟

列子湯問篇天地亦物也物有不足故昔者女媧氏鍊五色石以補其闕

誰言遊刃有餘地

恢恢乎其于遊刃必有餘地矣此莊

子言庖丁解牛今以言屠龍李白詩投刃有餘地

自信無功可補天

言鍊石也

啼鳥笑歌追暇日飽牛耕鑿望豐年

帝王世紀老人擊壤于道曰吾鑿井而飲耕田而食帝何力于

我荷鋤端欲相隨去邂逅青雲恐疾顛

高位實疾債厚味實脂毒見國語周語下

和七兄山蕓湯

廚人清曉獻瓊糜

見前注

正是相如酒渴時

司馬相如傳常有消渴病杜詩酒渴愛江清

能解飢寒勝湯餅

東晉餅賦玄冬猛寒清晨之會湯凍鼻中霜凝口外充虛解戰湯餅

爲略無風味笑蹲鴟

漢貨殖傳下有蹲鴟至死不飢注謂芋也世說大飢不飢蜀有蹲鴟

打窗急雨知然鼎亂眼睛雲看上匙已覺塵生雙井椀

雙井

茶出洪州分寧濁膠從此不須持

杜詩濁膠有妙理

同韻和元明兄知命弟九日相憶二首

山谷有此詩草本真蹟云萬重雲裏孤飛鷹只聽歸聲不見身卻把黃花同恨望寄傳詩句更清新末句奉親歸製白綸巾傍注改今本南北作南渡兄弟作

摹寫老作改晚作次篇田鄰作鄰田

革囊南渡傳詩句摹寫相思意象真九日黃花傾壽酒幾回青眼望歸塵蚤為學問文章誤

杜詩紈袴不餓死儒冠多誤身

晚作東西南北人

檀弓上孔子曰丘也東西南北之人也高適人日寄杜二拾遺詩龍鍾還忝二千石愧爾東西南北人

安得田園可溫飽長拋簪紱裹頭巾

後漢皇甫規傳退不

得溫飽以全命

萬水千山厭問津芭蕉林裏自觀身

維摩經是身如芭蕉中無有堅又云又復觀身身不離病

鄰田雞黍留熊也

論語殺雞爲黍而食之

風雨關河走

阿秦

態也阿秦當是山谷兄弟小子山谷兄弟五人太臨庭堅叔獻叔達仲熊仲熊即墓誌所謂非熊代書一篇所謂阿熊而今詩所謂熊也阿秦蓋可類推

鴻鴈池邊照雙影脊令原上憶三人

兄弟

中兩人相聚而三人別去也

年年獻壽須歡喜白髮黃花映角巾

晉羊祜傳與從弟琇書曰既定邊事當角巾東路歸故里王導曰元規若來吾便角巾還第杜詩錦里先生烏角巾白樂天詩病起頭輕換角巾

代書

阿熊去我時。山谷有非熊墓銘云。仲熊其名。非熊其字。先大夫之幼子。漢外感傳。竇廣德曰。姊去我西時。與我訣傳舍中。 秋暑削甘瓜。魏文帝與吳質書。浮甘瓜于清泉。 離別日月除。詩。日月其除。 蓮

房倒箭韋。韋。箭室也。 得書報平安。肥字如栖鴟。玉川子添丁詩。忽來案上。醜墨汁塗抹詩書如老鴟。 汝才躍鑪金。自必為鑊鄒。莊子大宗師篇。今大冶鑪金。金踊躍曰。我

且必為鑊鄒。大冶。窮年抱新書。新書。謂王氏經學。東坡次韻秦觀秀才見贈詩。縱橫所值無不可。如君不怕新書新。 挽條咀春葩。退之進學解。含英咀華。又詩。云。東野勸驚俗。天葩吐奇芬。 弄筆不能

休。文選。典論云。傅毅之于班固。伯仲之間也。而固小之。與弟超書曰。武仲下筆不能自休。 屈宋欲作衙。唐杜審言傳。常語人曰。吾文章當得屈宋作衙官。 屈指推日星。屈指計其日。見陳湯傳。 許身上雲

霞。杜詩。許身一何愚。墓銘云。先大夫以歲月日時參伍。以曆象為吉祥。非熊亦自博其命曰。我生日在申辰。在卯歲庚午。天地合終富貴。 安知九天關。虎豹守夜叉。虎豹九關。夜叉守門。並見前注。 祝田操豚

蹄。持狹所欲奢。史記。淳于髡傳。臣從東方來。見道傍有饌田者。操一豚蹄酒一孟。而祝曰。甌窶滿篝。汗邪滿車。五穀蕃熟。穰穰滿家。臣見其所持者狹。而所欲者奢。故笑之。 文章六經來。汗漫十牛車。漢兒

寬傳。大家牛車。小家擔負。柳子厚作陸文通墓表。其為書處。譬如觀滄海。細大極龍蝦。退之鰓魚文云。潮之州大海在其南。鯨鵬之大。蝦蟹之細。無不容歸。 古人

以聖學。未肯廢百家。舊山木十圍。齋堂綠陰遮。紅稻香孟飯。維摩經。化菩薩以滿鉢香飯。與維摩詰。鉢香飯。與維摩詰。 黃雞厭食鮭。食鮭見剪注。鮭魚也。音鞋。不在此韻。

疑是食蛙。按圖經本草。蛙有背作黃文者。又云一名水雞。韓詩外傳。魚之侈口垂腴者。魚畏之。凡言腹腴皆魚也。獨王充論衡云。幾若膳。舜若膳。桀紂之君。垂腴尺餘。頗復讀書耶。念汝齒壯矣。

無婦助烹茶。父兄亦憐汝。須兒牧犬豕。左傳。使卒出緹。行出犬雞。鮑明遠詩。倚杖牧雞豚。且伐千章木。漢貨殖傳。木千章。贈行當馬槩。文選。馬馱笛。賦云。剡其上。

孔通洞之。裁以當窻。使史記。李斯傳。隳馬。易持注云。窻。馬策也。羸糧果後時。史記。李斯傳。隳馬。羸糧。唯恐後時。定隨八月槎。張華博物志云。舊說。天河與海通。近世有人居海濱。年年八月有浮槎。去來不失期。人有奇志。立飛閣于槎上。多齎糧。乘

槎而去。十餘日中。猶見星月日辰。自後茫茫忽忽。亦不覺晝夜。十餘日。奄至一處。有城郭狀。屋舍甚嚴。遙望宮中。多銀婦。見一丈夫牽牛渚次飲之。牽牛人驚問曰。何由至此。此人具說來意。并問此是何處。答曰。君還至蜀郡。訪嚴君平。則知之。及歸。問君平。對曰。某年月日有

客星犯牽牛宿。計其年月。正此人到天河時也。杜甫秋興詩。聽猿實下三聲淚。奉使虛隨八月槎。覺民在林中。集中字說云。弟仲堪溫恭。而文庭聖字之曰覺民。丁丁聞兔置。詩。蕭蕭兔置。榘之丁丁。又云。蕭蕭兔置。施于中林。

奉身甚和友。幹公辦咄嗟。易云。幹父之蠱。晉石崇傳。為客作豆粥。咄嗟便辦。按文選。曹子建詩。自顧非金石。咄嗟令心悲。注引說文云。咄。叱也。嗜。大呼也。言人命在叱呼之間。咄丁兀切。嗜子夜切。漢末有此語。至晉而訛為咄嗟也。

臺源吟松籟。集中有次韻十九叔臺源詩。云。聞道臺源境。勤荒三徑通。先生岸巾紗。杜詩。白幘岸江皋。王荆公詩。孫陵西曲岸烏紗。留客醉風月。盤筯供柔嘉。退之詩。野蔬拾新菜。詩。柔嘉維

則此摘。仍工朱絲絃。文選。陸士衡詩。直如朱絲絃。洗心拂奇邪。禮記。祭義。雖有奇邪。而不治者則微矣。孤臣發楚調。謂屈原。楚詞。傾國怨胡笳。世傳。胡笳十八拍。蔡琰所作。傾

國。峴漢書。把筆學周鼓。鳳翔石鼓文。世傳。周宣王時作。不為蓬生麻。說苑。蓬生麻中。不扶自直。元明祖師禪。山谷。元明。臨字元明。妙手發琵琶。已無富貴心。

鼓吹一池蛙

孔珪池蛙見前注

天民服農圃頗復秋斂除

天民疑是覺民昆仲周禮泉府斂市之不售貨之滯于民用者以其買賣之凡除者祭祀無過旬日

下田督耒耘入嶺

按新畬

周頌臣工云亦又何求如何新畬注云田二歲曰新三歲曰畬

悉力輸王賦至今困生涯

莊子吾生也有涯

知命叔山徒

莊子德充符篇魯有兀者叔山無趾知命山谷弟名叔達足蹇

故以爲喻

爐香嚴佛花

圖覺釋云心花發明

惟思苾芻園

梵語比丘或曰苾芻尊勝經號僧曰苾芻此物草也而有五義一生不背日二冬夏常青三體性柔軟四香氣遠騰五引蔓傍佈爲佛徒弟亦然故以爲名

脫冠

著袈裟

梵語袈裟此云不正色卽壞色染衣也

起家望兩季

漢儒林傳孔氏有古文尙書孔安國以今文讀之因以起其家

佩金錫朝鞞嘉魚在南國

小雅南有嘉魚樂得賢也

宗廟

薦鱸藻

小雅魚麗美萬物盛多可以告于神明矣魚麗于罾鱸鯨

我爲萬夫長

書咸有一德萬夫之長可

朝論不齒牙

南史謝朓傳朓好獎人才曰士子聲名未立應共獎成無借齒牙餘論退

之詩願我未肯置齒牙

刺頭簿領中蚤虱廢搔爬

柳子厚詩中散蠹空爬蓋用文選稀康絕交書性復多蟲爬搔無已而當裹以章服

世累已纏縛官箴易疵瑕

左傳襄四年魏絳論和戎

云昔周辛甲之爲太史也命百官箴王闕傳七年楚文王謂申侯曰予取予求不女疵瑕

何時煙雨裏驅羊入金華

黃初平牧羊金華山見前注

遣奴迫王事不暇學驚蛇

晉書恆傳

張伯英臨池學書池水盡黑下筆必爲楷則號忽忽不暇草書法書要錄羲之自敘草書云疾若驚蛇之失道

雙湖寺一首 寺在太和境內



二水犇犇鳴屋除。韓文藍田丞廳記。水瀧瀧循除鳴。松林落日吼烏菟。左傳楚人謂虎爲烏菟。老僧更有百歲母。白髮身爲反哺鳥。東晉補亡詩。噉

噉林鳥反哺于子爾雅純黑而反哺者鳥也杜詩舟鷁排風影林鳥反哺聲。

山陬江深屋翠崖。夜鐘聲自甕中來。長松偃蹇蒼龍臥。六月湖泉轟怒雷。

睡起

柿葉鋪庭紅顆秋。薰爐沈水度衣篝。說文曰篝答也。可熏衣。松風夢與故人遇。同駕飛鴻跨九州。文選郭璞遊仙詩赤松臨上仙駕鴻乘紫煙李白詩

不及廣成子。乘雲駕輕鴻。

奉送周元翁鎖吉州司法廳赴禮部試

周敦頤濂溪二子壽。壽字季老。後改元翁。濂字通老。後改次元。山谷在太和元翁任吉州司法。至元豐五年於黃裳勝登第。此詩即送其赴禮部試也。後次

元亦于元祐三年李常寧勝登第。元翁終司封員外郎。次元終徽猷閣待制。集中與元翁及次元唱和詩凡十篇。

江南江北木葉黃。楚詞洞庭波兮木葉下。五湖歸鴈天雨霜。後漢隗囂傳范蠡乘扁舟於五湖杜詩青楓葉赤天雨霜。繫船溢城林高馬。溢城江州也。言自此陸行文選馬賦旦刷

幽燕晝秣荆越退之云吾吾車兮秣吾馬。客丁結束女縫裳。詩葛屨云摻摻女手可以縫裳。貢書登名徹未央。退之復志賦豈不登名于一科兮曾不補其遺餘漢高帝紀蕭何治未央宮立東闕北闕師古曰未央殿

雖南向而上書奏事謁見之徒皆詣北闕公車司馬亦在北蓋以北闕爲正門而又有東門東闕以厭勝之術也

不比長卿薄游梁司馬長卿病免客遊梁見本傳梁卽汴京也

南山霧豹出文章見前注

去取公卿易驅羊杜牧示阿宜云願汝出門去取官如驅羊

與君初無一日雅漢谷永傳永奏書謝王鳳曰永無一日之雅左右之介

傾蓋許子如班揚家語孔子之刺遭程子于

塗傾蓋而語班謂固揚謂雄也

囚拘官曹少相見鷓鴣賦愚士聚俗窘若囚拘

忽忽歲晚稼滌場詩七月云十月滌場

一盃僚友喜多在謝守不見空澄

江澄江如練明橋柚謝朓詩云餘霞散成綺澄江淨如練又云南中榮橋柚李白詩解道澄江靜如練令人長憶謝玄暉

萬峯相倚靡清蒼暮堂醺醺客被酒漢書高祖被酒夜徑

澤

中艷歌聒醉燭生光韓退之短檠歌長檠艷歌照珠翠前集聽宋宗儒摘阮歌云促絃聒醉驚客起兩用此字按春明退朝錄云太宗嘗謂侍臣曰後唐莊宗滿飲以鄭聲與胡部合奏謂之聒帳自晉遠且不息山谷蓋取此意

樵鼓

發船星斗白見前注

明日各在天一方杜云我行山川異各在天一方

寒鷓滿枝二橋宅樽前顧曲憶周郎吳志周瑜傳時年二十四吳中皆呼爲周郎從孫策

吳志周瑜傳時年二十四

攻皖城拔之得橋公兩女皆國色也策自納大橋瑜納小橋瑜少精意于音樂雖三爵之後其有闕誤瑜必知之知之必顧故詩人謠曰曲有誤周郎顧寰宇記云橋公亭在舒州懷寧縣北隔皖水一里同安志有橋公亭記云聞之書畫橋公之舊居也

鱸魚斫

膾蔗爲漿後漢左慈傳在司空曹操坐操曰今日高會珍羞略備所欠吳松江鱸魚耳元放曰此可得也因求銅盤貯水以竹竿餌釣于盤中須臾引出一鱸魚又餌鈎沈之須臾復引出皆長三尺餘操使目前膾之周淡會者蔗漿見前注

恨君

不留誰與嘗殿前春風君射策漢庭諸公必動色

劉文房錢蕭郎中赴潤州序我蕭公建軍此地化行五年漢庭羣公方待以美職呂和撰劉公神道碑重氣再廓國境昭蘇由是漢庭諸公始

重其節。杜詩滿堂動色。故人若問黃初平，將作金華牧羊客。太白詩金華牧羊兒，迺是嗟神妙，射策見前注。紫煙客黃初平見前注。

### 飲潤父家

黃渥字潤父，會稽人，後更名育，字懋達，山谷以同宗爲作字序，時爲吉州司理，與之同寅。

齋閣寒麝薰，書帙映斜景。老杜詠竹云，色侵書帙晚。偶來樽俎同，延此笑言頃。宮線添尺餘。

荆楚歲時記云，宮中以紅線量日影，至日日添一線，杜詩何人錯認窮愁。

日愁日愁，隨一線長。朝來日未永，一醉解語花。開元天寶遺事，太液池千葉白蓮開，帝與貴戚燕賞，指貴妃曰，爭如我解語花。

萬事畫地餅。魏志盧毓傳，詔曰，選舉莫取有名，名如畫地作餅，不可啖也。白樂天

詩望梅閣老無妨渴，畫餅尙書不救飢。要似虎頭癡，何須樗里瘦。

虎頭，顧愷之也，晉書本傳云，愷之才絕，畫絕，癡絕，史記樗里子傳，滑稽多智，秦人號曰智囊，愷之傳無虎頭之稱，東坡詩有癡虎頭字，注謂顧愷之嘗爲虎頭將軍。

按張彥遠名畫記，愷之小字虎頭，樗里傳不言瘦，白氏六帖，疾門有智囊宿瘤注並瘻也。

### 次韻寄潤父

昏昏迷簿領

昏昏簿領見前注。

勿勿貴晷景

顏氏家訓，世中書翰，多稱勿勿，相承如此，莫知其由，或有妄言此忽忽之殘缺耳，案說文，勿者州里所建之旗也，象其柄及三旂之形，所以促民事，故忽遽者稱勿勿，說文又曰，晷日影也，周禮地官曰，大司徒以土圭之法，測上深，正日景，以求

地中退之秋懷詩，憂愁費晷景，日月如跳丸，貴字疑是費。

嘗盡身百憂

左傳，稱晉侯險阻，艱難備嘗之矣。

迄無田二頃

蘇秦傳，使我有雒陽負郭田二頃，吾豈能佩六國相

印喜從吾宗遊。九里河潤永。見前注。呼兒跪酒樽。戒婦饌湯餅。杜詩喚婦出房親自饌劉夢得云我作坐上客引箸舉湯餅。老夫何取焉。君悅甃

盜瘦。竄盜大瘦見前注。退之詩。餘闌怒不已。喧聒鳴竄盜。

送酒與周法尊用前韻 吉州司法 周元翁也。

遙知謝法曹。南史謝惠運為彭城王義康法曹行參軍。詩句多夏景。問道學書勤。墨池方一頃。王羲之傳曾與人書云張芝臨池學書池水盡黑法書要錄所載一同惟石刻孫過庭書譜云

張精熟池水盡墨。當以碑板為正。臨川大字苦未逾。魏文帝與吳質書曰公幹有逸氣但未適耳劉孝標廣絕交論擊未適于雲閣。小字逼智永。法書要錄陳永欣寺僧智永會稽人遠祖逸少

歷紀專精。真草唯命。張祐詩。我有何郎樽。清江醞玉餅。還書及斗數。與君酌楠瘦。玉餅謂麪也。司馬遷傳云。媿擊其短。師古曰。擊如麪擊之。齊人謂麪餅為媿。

不絕麪之法。雖窮禪智流。  
選書及斗數。疑有舛誤。武攸緒。王公遺以瘦杯。東坡賦酌以瘦藤之樽。

# 山谷外集詩注卷十

出迎使客質明放船自瓦窰歸

鼓吹喧江雨不開丹楓落葉放船回

謝靈運詩曉霜楓葉丹杜詩送客蒼溪縣山寒雨不開直愁騎馬滑故作汎舟回

風行水上如雲過

易漢卦風行水上洩

地近嶺

南無鴈來

衡陽有回鴈峯詳見前注

樓閣人家捲簾幕

杜牧之詩深秋簾幕千家雨落日樓臺一笛風

菰蒲鷗鳥樂灣洄惜無陶謝揮斤手

杜詩焉得思如陶謝手令

渠述作與同遊 詩句縱橫付酒杯

次韻和答孔毅甫

毅甫嘗爲吉伴

鵬飛鷗化未卽逍遙游

見莊子第一篇

龍章鳳姿終作廣陵散

嵇康傳人以爲龍章鳳姿康將刑東市顧視日影索琴彈之曰昔袁孝尼嘗從吾學廣陵散吾每靳固之廣陵散于今絕矣初康遊

洛西宿華陽亭引琴而彈夜分忽有客至與康談音律因索琴彈之而爲廣陵散聲調絕倫遂以授康仍誓不傳人韓臯生知音律聞鼓琴至止息歎曰美哉嵇康之爲是曲其當晉魏之際乎其音主商晉金運商又金聲此所以知魏方季而晉方代也王淩母邱儉諸葛誕繼爲揚州都督咸謀興復爲司馬氏所殺康以揚州故廣陵地淩等皆魏大臣故名其曲曰廣陵散言魏散亡而廣陵始止息者晉雖暴興終止息于此見白氏六帖知音門併附于此 溢浦鑪邊督數錢

平仲字毅甫元祐入館時監江州錢監按

潯陽志。廣寧監歲鑄錢二十萬。東坡帖云。數日前。孔毅甫見過。此人錢  
監得替。欲入京注擬中路思家而還。後漢志。童謠曰。河間姪女工數錢。  
故人陸沈心可見。陸沈見前注。氣與神兵上斗牛。神兵劍氣衝斗牛並

見前注。詩如晴雪濯江漢。孟子江漢以濯之。把詠公詩闔且開。王荆公寄王逢原披衣起坐愁不懣歸坐把卷闔且開。樂天和微之高齋青燈明滅照不寐但把君詩闔且開。旁無知音面

牆歎。書不學牆面。後漢。鄧后傳。面牆學術。我今廢書迷簿領。樂毅傳。未嘗不廢書而泣。魚蠹筆鋒蛛網硯。選詩。五車摧筆鋒。六年國子無寸功。退之詩。三年國子師。腸肚習藥。

莫李廣傳。終猶得江南萬家縣。客來欲語誰與同。令人熟寐觸屏風。三國管輅傳。嘗謂人曰。吾與劉穎川兄弟語。使人神思清發。自此之外。殆白日欲寢矣。漢陳萬年傳。子咸

有異材。萬年嘗病。召成教戒于牀下。語至夜半。成睡。頭觸屏風。揚子云。鴻飛冥冥。弋人何慕焉。少年所期如夢中。江頭酒賤樽屢空。孔融傳。嶠中酒不空。南山

有田歲不逢。漢楊惲傳。其詩曰。田彼南山。燕穰不治。種一頃豆。落而爲糞。人生行樂耳。須富貴何時。相思夜半涕無從。檀弓上。吾惡夫涕之無從也。千金公亦費屠龍。屠龍見前注。韓詩屠

龍破千金。爲  
藝亦云云。

再用舊韻寄孔毅甫

鑒中之髮蒲柳望秋衰。晉書。顧悅之與簡文同年。而髮早白。帝問之曰。松柏之姿。經霜猶茂。蒲柳常質。望秋先零。歐陽公乞致仕表。羣才方茂。蒲柳未秋。而早衰。眼中之人風雨俱星散。陸士衡詩。

晉書。顧悅之與簡文同年。而髮早白。帝問之曰。松柏之姿。經霜猶茂。蒲柳常質。望秋先零。歐陽公乞致仕表。羣才方茂。蒲柳未秋。而早衰。

感念桑梓城。髣髴眼中人。魏文帝詩。迴顧四向望。眼中無故人。李白大堤曲。不見眼中人。杜詩。青眼高歌望吾子。眼中之人吾老矣。言黜豐問。諸人皆斥逐。三國志。姜維傳。星散流離。杜詩。別離同雨散。行止若雲浮。又草閣柴扉星散居。白樂天詩。同出復同歸。從朝復至暮。風雨或消散。江山渺迴互。劉禹錫詩。故人雲雨散。滿目山川多。往者託體同青山。陶淵明挽歌。死去何。健者漂零不相見。庾公樓上有詩人。樓在江州。平生

落筆瀉河漢。莊子逍遙遊篇。其言猶河漢而無極也。韓文公上于頔書。文章變化若雷霆。浩汗若河漢。置驛勤來索我詩。自說中郎識元歎。吳志。顧雍傳。雍字元歎。吳郡吳人。蔡伯喈避怨于吳。

雍從學琴書。江表傳云。伯喈謂曰。今以吾名與卿。故雍與伯喈同名。吳錄曰。雍字元歎。言爲蔡雍所歎也。我方凍坐酒官曹。爲公然薪炙冰硯。西京雜記。以酒爲書滴。以玉爲硯。皆取其不冰。不解窮

愁著一書。史記虞卿傳。不重萬戶侯。卿相之印。與魏齊閒行。卒去趙。困于梁。不得意。乃著書。世傳之曰。虞氏春秋。太史公曰。虞卿非窮愁。亦不能著書。以自見于後世云。豈有文章名九縣。漢光武贊。九縣。縣回。奴星結

柳送文窮。退之送窮文云。主人退倚北窗。睡松風。太阿耿耿截歸鴻。張華傳。雷煥掘豐城獄。得一石函。中有雙劍。一曰龍泉。一曰太阿。退之詩。利劍光耿耿。使奴星結柳作車。

龍泉號匣中。斗柄垂天霜。雨空獨鴈叫。羣雲萬重。退之詩。一一叫羣猿。杜詩。孤鷹不飲啄。何時握手香爐峯。香爐峯。隸江州。飛鳴聲念翠。誰憐一片影。相失萬重雲。

下看寒泉濯臥龍。諸葛孔明號臥龍。

二月二日曉夢會于廬陵西齋作寄陳適用  
適用名汝器。時知廬陵縣。

燕寢著爐香。韋蘇州詩燕 惓惓閒窗闕。左傳祈招之惓惓注云安和貌 夢到郡城東。笑談西齋月。行樂未渠央。詩庭燦夜未央注夜未渠央渠音遽

遭晴鳩聒。杜詩苦遭此物 江郡梅李白。士女嬉城闕。鄭國風在城闕兮 聞道潘河陽。滿城花秀發。潘岳為河陽令樹桃李花人號曰河陽一縣花庚信集中

有春賦云。河陽一縣併是花。金谷從來滿。頗留載酒車。揚雄傳時有好事者載酒肴從游學 共醉生塵穢。文選洛神賦凌波微步羅襪生塵李白詩香塵動羅襪綠水不沾衣 想見

園樹。文選蜀都賦。君平王褒。煜煜而秀發。

舞餘姿。風枝斜蠶髮。詩都人士云彼君子女卷髮如蠶 鄙夫不舉酒。春事亦可悅。老杜詩自知白髮非春事且盡芳樽對物華又北征詩幽事亦可悅 雨足肥菌芝。沙

暄饒筍蕨。海牛壓風簾。海牛輝也。前集有詩云海牛壓簾風不開。蓋用張君房陸說。蕭學士夢中賦曉寒歌云海牛壓簾風不入。前注偶不及此。 野飯薰僧鉢。維摩經以滿鉢香飯普薰毗耶城 飽食愧

公家。曾無助毫末。勸鹽推新令。王欲惇獨活。尙書無慮惇獨 此邦淡食僧。賈誼傳國制搶攘注搶音僧。吳人罵楚人曰僧。僧讓亂貌也。音仕庚切。晉周處傳處子玗將卒謂子玗曰

殺我者諸僧。子能復之。乃吾子也。吳人謂中州人曰僧。故云爾。南史宋孝武狎侮羣臣各有稱目。柳元景垣護之並北人。而王玄謨獨受老僧之目。南史杜坦曰。臣本中華高族。直以南渡不早。便以僧荒見隔。世說雅量門云。昨有一僧父來寄亭中。注云晉陽秋曰。吳人以中

州人為僧。柳子厚詩。我今誤落千萬山。身同僧人。不思還。以上所說不同。故具列之。山谷豫章人也。而詆吉州人為僧。蓋取僧荒之義。無分于南北也。勸鹽已見賦鹽詩。蓋官鹽不售而抑配焉。婉其詞曰勸耳。 儉陋深次骨。漢杜周傳。公

困積邱山。賈豎但圭撮。漢律歷志量多少者不失圭撮。注四圭曰撮。三指撮之也。又曰六十四黍為圭。撮倉括反。 縣官恩乳哺。縣官出霍光傳。南史梁宗室始興王憺傳。行荆州事。人歌曰。始興王人之爹。赴人急如水。



火。何時復來哺乳我。荆土方言謂父爲爹。徒我反。

下吏用鞭撻。正恐利一源。

陰符經云。絕利一源。用師十倍。

未塞兔三窟。

戰國策。馮煖爲孟嘗君收債于薛。燒券而還。孟嘗君不悅。後就國于薛。老幼迎于道。

孟嘗君乃喜。馮煖曰。狡兔三窟。免其死耳。今君有一。未得高枕而臥。請復鑿二窟云云。謂孟嘗君曰。三窟已成。請君高枕矣。晉王衍傳。以弟澄爲荊州。族弟敦爲青州。因謂曰。荊州有江漢之固。青州有負海之險。卿二人在外。而吾留此。足爲三窟矣。蓋舉馮煖語也。

寄

聲賢令尹。何道補黥刑。

莊子。大宗師篇。息我黥而補我劓。

從來無研桑。

班固寶戲。研桑。心計于無垠。注云。史記。勾踐用范蠡。計然。研。計然之名也。漢書。桑弘羊。以心計爲侍中。

顧影愧簪笏。

退之詩。峨峨進賢冠。耿耿水蒼佩。服章豈不好。不與德相對。顧影聽其聲。顏汗漸背。

何顏課殿上。解綬行采葛。

漢兒寬傳。寬遷左內史。以貢租課殿當免。民間當免。皆恐失之。大家牛車。小家擔負。輸租。纒屬課。更以最上王國風。

采葛懼

譏也。

### 長句謝陳適用惠送吳南雄所贈紙

廬陵政事無全牛。

吉州治廬陵縣。適用與山谷同時作邑。莊子。庖丁未嘗見全牛。見前注。杜詩。妙割無全牛。

恐是漢時陳太邱。

後漢陳寔傳。除太邱長。修德清淨。百姓以安。

書記姓名不肯

學。項籍傳。少時學書不成。去。學劍。又不成。去。籍曰。書足記姓名而已。

得紙無異夏得裘。琢詩包紙送贈我。自狀明月非暗投。

見前注。

詩句縱橫翦宮

錦。惜無阿買書銀鈎。

退之詩。阿買不識字。頗知書八分。詩。成使之寫。亦足張吾軍。銀鈎見前注。

蠻溪切藤卷盈百。側理羞滑蠶羞白。

拾遺記。南越獻側理紙。南人以海苔爲之。其理

縱橫斜側。因以爲名。蘇易簡紙譜云。張華造博物志成。晉武帝賜側理紙萬番。南越所貢也。本草陟釐。陶隱居云。此卽南人所用作紙者。唐本注云。此物乃水中苔。今取爲紙。音陟釐。陟釐與側黎相近。側黎又與側理相近也。又云。卽石髮也。陟釐見前注。想當鳴

杵砧面平。桃榔葉風溪水碧。桃榔木廣南所出。此紙吳南雄所贈。南雄州隸廣南東路。

千里鵝毛意不輕。

復齋漫錄云。諺曰。是人眼裏有西施。又曰。千里寄鵝毛。物輕人意重。皆鄙語也。山谷取以

爲詩。答公益春思云。西施逐人眼。稱心最爲得。謝陳適用惠紙云。千里鵝毛意不輕。

瘴衣腥膩北歸客。君侯謙虛不自供。胡不贈世文章伯。

老杜詩。同心不減骨。肉親每語見許文章

伯。一涔之水客牛蹄。

淮南子曰。牛蹄之涔。無尺之鯉。退之題炭谷。漱祠堂。吁無吹毛劍。血此牛蹄股。股血深也。

識字有數我自知。

楊文公談苑云。晉開運中。詔令兩制。各作詩賦一篇。付禮部爲考試之式。獨學士李

儻不肯曰。李儻識字有數。因人成事。使令衣白袍入貢部。下第必矣。胡能作文章爲世模楷。時論美之。

小時雙鉤學楷法。

山谷論學字云。先當雙鉤。川兩指相疊。雙筆壓無名指。高提筆令胸隨已左右。然後觀人字格。則不患其難矣。

至

令兒子憎家雞。

南史王僧虔傳。論書云。征西庾翼書。少時與右軍齊名。右軍後進。庾猶不分。在荊州與都下人書云。小兒輩。賤家雞。皆學逸少書。柳子厚詩。聞道近來諸子弟。臨池尋已厭家雞。

雖然嘉惠敢虛辱。賈誼

賦。恭承嘉惠兮。煮泥續尾成大軸。

後漢鄧訓傳注云。東觀記曰。訓故吏最貧羸者。念訓常所服藥。北州所乏。又知訓好青泥封書。從黎陽步推鹿車于洛陽市。藥還過趙國易陽。并載青泥一棧。至上谷遺訓。其得人心如此。

寫心與

君心莫傳。詩既見君子。我心寫兮。

平生落魄不問天。

酈食其傳家貧落魄。醜音薄。杜詩。自斷此生休問天。

樽前花底幸好戲。

杜詩。退朝花底散。

爲君絕筆謝風煙。

杜詩。揮毫落紙如雲煙。

已無商頌猗那手。

商頌以那爲首。其詞曰。猗與那與。

請續南華內外篇。

莊子號南華真經。內篇七。外篇三十三。李白大鵬賦。南華老仙。發天機于漆園。

寄陳適用

日月如驚鴻，歸燕不及社。

杜詩：日月不相饒，節序昨夜隔。杜牧之歸燕詩：畫堂調舞喧喧地，社去社來人不看。

清明氣妍暖，塵塵向朱夏。

楚詞：時塵塵而過中兮，蹇淹留而無成。杜詩：人生幾

何春輕衣頗宜人。

杜詩：宜人獨桂林。又云：疎快頗宜人。

裘褐就榭架。

曲禮：男女不同榭架。

已非紅紫時。

韓詩：黃黃堯著花紅紫事已退。

春事歸桑柘，空餘車馬跡。

顛倒桃李下，新晴百鳥語，各自有匹亞。

選詩：春鳥翻南飛，翩翩獨翱翔。悲聲命儔匹，哀鳴傷我腸。

林中僕姑歸，苦遭拙婦罵。

見前

氣候使之然。

光陰促晨夜，解甲號清風，卽有幽蟲化。

言蟬也。退之聯句：化蟲枯搗壑。

朱墨本非工。

後周書：蘇綽傳：始制文案程式，朱出墨入。

王事少閒暇，幸蒙餘波

及。左傳：重耳云：其波及晉國者，君之餘也。

治郡得黃霸。

黃霸傳：及為相，功名損于治郡時。

邑鄰陳太邱。

後漢：陳實為太邱長。

威德可資借，決事不遲疑。敏手擘太

華。西京賦：綴以二華。巨靈負高掌，遠跡以流河曲。厥跡猶存，善曰：古語云：此本一山，當河水過之而曲行，河之神以手擘開其上，足躡離其下，中分為二，以通河流，手足之跡，今尙在也。

頗復集紅衣，呼僚飲休暇。

退之詩兩

府變炎涼三年就休暇。

歌梁韻金石。

歌梁：川韓娥能使逶迤之聲，環梁而凝塵，奮飛二日不止事。謝靈運詩：急絃動幽聽，清歌拂梁塵。謝朓詩：舞館識餘基，歌聲想遺囑。李白詩：醉舞紛綺席，清歌繞飛梁。曾子輿履而歌商頌，聲滿天地。若出金石。

舞地委蘭麝，寄我五字詩。句法窺鮑謝。

明遠

亦嘆簿領勞，行欲問田舍。

求田問舍見前注。

相期黃公墟。

黃公墟見前注。

不異秦

人矣。孟子告子篇。書秦人之矣。無以異於書吾矣。我初無廊廟。王羲之傳。吾素無廊廟。身願執耕稼。今將荷鋤歸。區芋畦甘蔗。文選。蜀都賦。瓜疇芋區。甘蔗辛薑。觀

君氣如虹。禮記聘義。君子於玉比德焉。氣如白虹。天也。江淹謂郭景曰。子之咳唾成珠玉。吐氣作虹蜺。千輩可陵跨。自當出懷璧。往取連城價。趙得和氏璧。秦願以十五城易之。闕相如使從

者。衣褐懷璧歸。賜地買歌僮。珠翠羅廣廈。杜詩。寄得廣廈。千萬閒。富貴不相忘。寄聲相慰藉。苻富貴無相忘。見陳勝傳。界上亭長。寄聲謝我。見趙廣漢傳。所以慰藉走卒。師

古曰。薦者舉藉也。見胡建傳。所以慰藉之良厚。見後漢陳黨傳。

寄懷元翁

歲年豐稻秔。井邑盛煙火。選詩。井邑自相循。注引周禮。九夫為井。四井為邑。史記律書。煙火萬里。北園曾未窺。董仲舒傳。三年不窺園。王事方勤我。詩。王事適我。花枝互

低昂。韓文公詩。道旁草木花。紅紫相低昂。歐陽公詩。薰風入花骨。花枝互低昂。鳥語相許可。漢蕭何傳。上奏許可。師古曰。可其所奏。許其所請。觀物見歸根。撫時終宴坐。老子云。萬物並作。吾以觀

其復。夫物芸芸。各歸其根。歸根曰靜。宴坐見前注。搔首望四鄰。諸賢皆最課。班固敘傳云。奏課連最。韓詩。寄鄒刺史。初如遺官。情終乃最郡課。極工簿領書。甚辦米鹽顛。史記。天官書。其

占驗。凌雜米鹽。漢書。成宣傳。其治米鹽。平生短朱墨。見前注。吏考仰丞佐。初無公侯心。骨相本寒餓。退之詩。自嘆。虞翻骨相屯。明窗懷玉友。清絕吟

楚些。見楚辭招魂。南史主琳傳。時謂銓錫二王。玉昆金友。沈存中云。今夔峽湖湘人。凡禁呪句尾。皆稱些。乃楚人舊俗。

念君方坐曹。

薛宣傳。日至休吏。賊曹掾獨不肯休。坐曹治事。白樂天詩。竟日坐官曹。經旬曠休沐。

無因奉

虛左。史記。魏公子無忌傳。公子從車騎。虛左自迎。賓門侯生。魏勃願見相君無因。見齊悼惠王傳。

對酒次前韻寄懷元翁

花光漸寒食。

李白詩。花光不減上林紅。

木燧催國火。

論語。鑽燧改火。鄴中記。井州一百五日。為介子推斷火。冷食三日。內則云。大鑄木燧。注云。木燧鑽火也。周禮司燹掌行火之政令。四時變國火以救時疾。張景陽詩。離居幾何時。鑽

燧忽改火。

沾酒鳥勸人。見前注。

懷賢吾忘我。

莊子齊物論云。今者吾喪我。注云。我自忘矣。

事往墮甌休。

孟敏荷甌墮地。不顧而去。林宗見而問其意。對曰。甌已破矣。視之何益。林宗異之。勸令游學。十年知

名。見後漢郭泰傳。

心知求田可。

陳登謂許汜曰。君求田問舍。言無可采。附呂布傳。後王荆公詩。老吾無用亦求田。

可人不在眼。

禮記。管仲遇盜。取二人焉。上以為公臣。曰。其所與游。辟也可人也。晉史桓溫過王敦墓。曰。可人可人。

樽俎思促坐。有生常倥傯。

後漢卓茂傳。斯同倥傯不暇給之日。

無暇天所課。

如東坡詩。此病天所緒。長安小吏天所放之類。

不解聞籩飲。

韓退之詩。不解文字飲。白樂天詩。聞健偷閑且勸飲。

俄成一蓬顆。賈山傳。曾不得蓬顆。蔽塚而托宿焉。

泥鈞埏萬物。

董仲舒策云。猶泥之在鈞。唯甄者之所為。老子云。埏埴以為器。注云。埏和也。埴土也。

寒暑勤五佐。

史記天官書云。天神貴者太一。太一佐日五帝。

按月令。四時皆有常。而土旺四季。

豈其懷愛憎。私使我窮餓。

莊子大宗師篇云。父母豈欲吾貧哉。天無私覆地無私載。天地豈私貧我哉。

醉招魂不來。浪下巫陽些。

杜詩。不知臨老日招

得幾人魂退之詩。愁欲酸骨死。怪花醉魂馨。招魂云。帝告巫。夢成少年嬉。走馬章臺左。漢張敞傳。走馬章臺街。太白詩。青雲年少子。挾彈章臺左。

侯尉之吉水覆按未歸三日泥雨戲成寄之

嘆息侯羸老。史記。魏公子無忌。傳。封為信陵君。魏有隱士侯羸。年七十。家貧。為大梁夷門監者。公子往請。欲厚遺之。不肯受。乃置酒大會賓客。坐定。公子從車騎。虛左自迎。侯生云云。尉曹鞍馬疲。山花迷部曲。

江雨壓旌旗。越鳥勸沾酒。太白詩。青風動窗竹。越鳥起相呼。謂提壺盧。竹雞憂蹋泥。謂泥滑。不知何處醉。遙寄解醒詩。劉伶五斗解醒。

侯尉家聽琵琶

舫齋蒼竹雨聲中。一曲琵琶酒一鍾。恰似潯陽江上聽。只無明月與丹楓。白樂天琵琶引。其略云。潯陽江頭夜送客。楓葉荻花秋瑟瑟。主人下馬客在船。

舉酒欲飲無管絃。醉不成歡慘將別。別時茫茫江浸月。云云。

寄袁守廖獻卿

公移猥甚叢生筍。退之詩。戢戢已多如束筍。集中有符移官移與公移。皆微也。司馬相如有喻巴蜀檄。訟牒紛如蜜分窠。訟牒。即北山移文。所謂牒訴。控愬也。少得曲肱成夢蝶。見前。

不堪衙吏報鳴鼙。詩。靈臺云。鼙鼓逢逢。柳子厚詩。蹀躞驕先。駕籠銅鼓報衙東。坡詩。鼙鳴穴中如打衙。已荒里社田園了。見歸去來辭。可奈春風桃李何。想見宜春

賢太守。袁州宜春郡。亦治宜春縣。無書來問病維摩。維摩經維摩詰。即以神力空中室內唯置一牀。以疾而臥。

廖袁州次韻見答并寄黃靖國再生傳次韻寄之

春去懷賢感物多。飛花高下冑絲窠。杜詩。風花高下飛。退之聯句。絲窠掃還成。傳聞治境無戾虎。戰國策秦語云。陳軫曰。有二虎爭人而鬥者。管莊子將刺之。管與止之曰。虎者戾蟲。

人者甘餌也。注云。戾貪也。兼用後漢宋均為九江太守。虎渡江事。更道豐年鳴白蠶。唐張籍詩。天欲雨。有東風。南溪白蠶鳴窟中。史筆縱橫窺寶鉉。元注云。干寶作搜神記。徐鉉作稽神錄。當時謂寶鬼之董。

狐。詩才清壯近陰何。杜詩。頗學陰。何苦用心。陰何謂陰鏗何遜。寄聲千萬相勞苦。如倚胡牀得按摩。趙廣漢傳。界上亭長戲曰。至府為我多謝問趙君。師古曰。多厚也。言殷勤若今。

人言千萬問訊。據胡牀見晉桓伊傳。禮記內則。問衣燠寒。疾痛苛癢。而敬抑搔之。注云。抑按搔摩之。孟子為長者折枝注。折枝按摩。折手節也。劉峻廣絕交論注。折枝按摩手足也。

袁州劉司法亦和予摩字詩因次韻寄之

袁州司法多兼局。日暮歸來印幾窠。詩罷春風榮草木。歸去來辭。木欣欣以向榮。書成快劍斬蛟鼉。退之石鼓謔。快劍斫斷生蛟鼉。遙知吏

隱清如此。杜詩。吏隱適情性。茲焉其窟宅。汝南先賢傳。鄭欽吏隱于蟻陂之陽。應問卿曹果是何。王徽之傳。為桓冲騎兵參軍。冲問卿曹何曹。對曰。似是馬曹。

無意飲羅摩。本草枸杞注曰。諺云。去家千里。不食羅摩枸杞。

山谷外集詩注 卷十

二二七

次韻奉答吉老并寄何君庸

傾懷相見開城府。

文選于令升晉紀總論云宣皇帝性深阻有如城府而能寬綽以容納唐李林甫城府深密人莫窺其際

取意閒談沒白窠。

白窠見前注

但取吏曹無狡兔。

狡兔見

三窟見前注

任呼舞女伐靈囂。

采芑詩伐鼓淵淵南都賦吹紫鳳之簫伐靈囂之鼓

屢中鬢面酒幾聖。

缸面即鬢頭見前注魏志徐邈傳時科禁酒而邈私飲至沈醉校事趙達問以曹事邈曰中聖人達白之太祖

太祖甚怒鮮于輔曰平日醉客謂酒清者為聖人濁者為賢人偶醉言耳坐得免後

文帝踐阼問曰頗復中聖人不對曰時復中之李白詩酒傾愁不來所以知聖酒

苦憶尊前人姓何願得兩公俱投報不

唯朱墨要漸摩。

非特治簿書朱出墨入亦欲漸仁摩義也

次韻奉答廖袁州懷舊隱之詩

詩題怨鶴與驚猿。

文選北山移文蕙帳空兮夜鶴怨山人去兮曉猿驚

一幅溪藤照麝煙。

剡溪上多古藤見舒元與弔剡藤文

聞道省郎方結綬。

後漢黃香為尚書郎不離省闈白樂

天集有賀楊十二新拜省郎詩杜詩省郎京尹必俯拾蕭朱結綬見漢蕭育傳

可容名士乞歸田。

淵明詩云守拙歸田園文選張平子有歸田賦

嚴安召見天嗟晚。

主父偃傳上書朝奏暮召時徐樂嚴安亦俱上書上

召見三人謂曰公等皆安在何相見之晚也

賈誼歸來席更前。

誼為長沙傳帝思誼徵之至入見至夜半文帝前席

何況班家有超固應封定遠勒燕然。

班超封定遠侯班固勒燕

然銘各有傳



上權郡孫承議

公家簿領如雞棲。簿領見前注。車如雞棲。馬如狗見陳蕃傳後。

私家田園無置錐。荀子無置錐之地。而明子爲社稷之大義。

眞成忍罵加餐飯。杜詩眞成淚出遊。文選古詩努力加

餐飯不如西江之水可樂飢。詩泌之洋洋。可以樂飢。

他人勤拙猶相補。樂天詩教煩無若靜。補拙莫如勤。列子云。恩過不補矣。漢何武傳。聖王有計功除過。故云無功狀。

身無功狀

堪上府。漢朱博傳。齋伐閱詣府。注。伐功勞也。子定國傳。具獄上府。

公誠遣騎束縛歸。文選魏文帝書。今遣騎到鄴。老杜云。大官喜我來。遣騎問所須。鮑叔牙曰。使管仲無忘束縛于魯時。杜詩君看束縛去。亦得歸山岡。山谷在太和閱

郡守三人。按集中所誌墓云。知吉州姚公元豐辛酉卒。又一誌云。知吉州畢公元豐五年十一月卒。又按吉州西峯院三秀亭記云。廬陵比缺守。輒以他吏攝承。託宿傳舍。吏胥視民爲俎豆。執鞭者衆。羊失其牧。元豐六年春。詔用壽春魏侯。以此觀之。則孫權郡者。必能病諸邑。故詩有忿語。長隨白鷗臥煙雨。

奉和孫奉議謝送菜

春蔬照映庾郎貧。南史庾果之傳。庾郎貧食鮭。

遣騎持籠佐茹葷。遣騎見前注。莊子人間世篇不飲酒不茹葷。

卻得齋廚厭滋味。白鵝存掌鼈留裙。

江南別錄云。僧謙明好詩酒。烈祖問其所求。曰。唯願鵝生四箇腿。鼈生兩重裙。陶岳五代史補亦云。

和孫公善李仲同金櫻餌唱酬二首

人生欲長存。日月不肯遲。淵明詩。日月不肯遲。四時相催逼。百年風吹過。忽成甘蔗滓。寒山子詩。更足三十年。還如甘蔗滓。傳聞上世士。烹餌草木

滋。檀弓。必有草木之滋焉。薑桂之謂也。千秋垂綠髮。李賀詩。綠髮少年金釵客。綠髮見前注。每恨不同時。司馬相如傳。朕獨不李侯好方術。方術見前注。肘後探神

奇。莊子。臭腐化為神奇。南史陶弘景傳。著肘後方。杜甫詩。腹中書籍幽時曠。肘後醫方靜處看。金櫻出皇墳。本草金櫻子。味酸澁。久服令人耐寒輕身。方術多用云。是今之刺藜子色黃有刺。本草序云。世所傳曰神農氏本草三卷。尚書序云。伏羲

神農黃帝之書。謂之三墳。刺囊覽霜枝。寒窗司火候。古鼎凍膠飴。內則。棗栗飴蜜。釋文飴餹也。圖經。本草云。金櫻子。蜀中人熬作煎。初嘗不可口。莊子曰。粗梨橘柚。皆

紛然不適口。醞酒和味宜。和味宜。見石耳詩。芥薑作辛和味宜注。至今身七十。孺子色不衰。莊子。蓬生蒿。單豹行年七十。而猶有嬰兒之色。田中按耒鉏。孫息親抱

持。卻笑鄰舍公。未老須杖藜。見前注。

假守富春公。漢南粵王傳。誅秦所置吏。以其黨為守假。注云。令為郡縣之職。或守或假。劉禹錫詩。假守亦高臥。墨卿正垂耳。前有上權郡孫承議詩。即此人也。廬陵比缺守孫攝州事。秋毫聽民詞。夙夜臨公廳。

歸臥酸體肢。枚乘七發云。恣支體之安。柳子厚讀書詩。云。欠伸展肢體。樂天聽琴詩。聽者酸心髓。李侯來饋藥。論語。康子饋藥。期以十日知。史記扁鵲傳。長桑君出懷中藥。予扁鵲曰。飲是以上池之水三十日。

當知物矣。古方書云。以知為度。未知再服。深中護靈根。黃庭經。玉池清水灌靈根。太玄經云。腐心于淵。美厥靈根。金鑲祕玉笈。黃庭經。玉笈金籥常完堅。不須許斧子。辛勤采玉芝。真諦。英夫

人吟云有心許斧子言當采玉芝芝草不必得汝亦不能來汝來當可得芝草  
與汝食許斧子許玉斧也一本作五芝天台賦云五芝含秀而晨敷見文選  
我方困健訟搨翁爭一錐魏武紀第五伯魚三娶孤女謂之搨翁此搨

其字爭雖見左傳昭六年錐刀之不能鳴絃坐頗似巫馬期韓詩外傳子賤治單父彈鳴琴身不下堂而單父治巫馬期以星出以星入日夜不處以身親之而單父亦治巫馬期問于子賤子賤曰

我任人子任力任人者本草序例云刀圭者十分方寸七之一准如梧桐子大也敢乞刀圭餘退之詩云乞取刀圭救病身白樂天詩相哀白髮分刀圭歸和卯飲卮白樂天詩卯飲一卮眠一覺世間何事不

悠悠儻令憂民病從此得國醫晉語云上醫醫國

### 答余洪範二首

道在東西祖傳燈錄天竺有二十七祖達磨西來為中華初祖贊寧僧史以中國為東夏僧寶傳玄沙禪師傳云師曰達磨不來東土二祖不往西天又按傳燈錄大同禪師傳師問僧什麼處來曰東西山禮祖師來師曰祖師不在東西山疑或用此

意南岳石頭和尚參同契云竺國大仙心按許子解淮南鴻烈其序云安襲封淮南王方術之士多往歸焉遂與蘇飛東西密相付人根有利純道無南北祖詩如大小山李尚左吳田由雷被毛披伍被晉昌等八人及諸儒大山小山之徒共講論

道德總統仁即龍光和尚千一家同雪月江同一月之意萬事廢機關樂天詩應須天上麒麟閣漢書甘露三年上思股肱之美圖畫其人于麒麟閣山中虎豹閑

何時得邱壑前漢敘傳漁釣于一壑則萬物不好其志栖遲于一邱則天下不易其樂明鏡失朱顏樂天詩腰閒紅綬掛未穩鏡裏朱顏看已失

懸磬齋廚數米炊。

室如懸磬見左傳樂天詩貧室如懸磬簡髮而櫛數米而炊見莊子庚桑楚篇

貧中氣味更相思。可無昨日黃花酒。又是春風柳絮時。

三月乙巳來賦鹽萬歲鄉且蒐獮匿賦之家晏飲此舍遂留宿是日大風自采菊苗薦湯餅二首

吳纂

別本湯餅下有紅藥盛開四字二首作三首第三首云春風一曲

花十八拚得百醉玉東西露葉煙枝見紅藥猶似舞餘和汗跡

飛廉決雲開白日。

離騷云前望舒使先驅兮後飛廉使奔風注飛廉風伯也

頓撼天地萬竅號。

退之女擊壤銘云與致走道撼頓莊子齊物篇云大塊噫氣其名爲風是唯無作則萬竅怒號

按抄桃

李欲淨盡。

曲禮云共飯不澤手注澤謂投抄也劉禹錫玄都觀詩桃花淨盡菜花開

乞與遊絲百尺高。

古詩遊絲百尺誠嬌妒欲絆青春歸上天庾信燕歌行洛陽遊絲百丈連黃河春冰于片穿退之同冠峽詩落花千丈墮

遊絲百

文驅

幽叢秀色可攬擷。

大業拾遺帝曰古人色秀若可餐杜牧之云光潔疑可攬欲以饜懷貯骨志隆安中民作饜惱歌有草生可攬擷之言

煮餅菊苗深注湯。

崔氏四民月令曰立秋無食煮餅及水浸餅

飲

冰食藥浪自苦。

白樂天詩三年爲刺史飲冰復食藥

厭厭滿懷春草香。

後漢薊子訓傳摩挲金狄

題高君正適軒

至靜在平氣。至神惟順心。

易繫辭非天下之至神孰能與于此淵明歸去來辭序云因事順心命篇曰歸去來兮

道非貴與賤。達者古猶今。

見前功名屬廊廟。

閒暇歸山林。已見廊廟等山林注。畜魚觀羣嬉。籠鳥聽好音。詩曉曉黃鳥。載好其音。文選潘岳秋興賦曰。池魚籠鳥。有江湖山藪之思。不如一邱壑。隨願得飛沈。邱壑

見前。開門納日月。選詩。靈題納明月。呼客解纓簪。詩書撫塵迹。歌舞送光陰。妖嬈傾國笑。上林賦。妖冶開都。史記作妖冶。都陽城下蔡。傾城傾國。見前注。

絲竹感人深。樂記曰。物之感人無窮。而人之好惡無節。又曰。姦聲感人。而逆氣應之。正聲感人。而順氣應之。豁然開胸次。風至獨披襟。宋玉風賦。楚襄王遊于蘭臺之宮。宋玉景差侍。有風颯然而至。玉乃披襟

而當之曰。樊籠鎖形質。物外有幽尋。退之詩。幽尋事隨去。孰能量遠近。又云。物外日月本不忙。

### 寄李次翁

雨斷山川明。老杜詩。楚天不斷四時雨。太白詩。嶺嶂紛上下。川明歷回顧。古今同一壑。漢楊惲傳。古與今。如一邱壑。之貉注云。言其同類也。惟有在世時。聊厚不為薄。文選。古詩。斗酒相娛。

樂聊厚不為薄。王荆公詩。珍足海物味。其厚不為薄。南箕與北斗。親友多離索。集中有詩云。故人南箕與北斗。已注其詳。檀弓云。子夏曰。吾離羣而索居。斯文如舊歡。李侯極磊落。頗

似元魯山。用心撫疲弱。元德秀字紫芝。為魯山令。有德政。天下高其行。不名。謂之元魯山。詳見唐書卓行傳。前集有贈別李次翁四言詩。其略云。觀物慈哀。在民愛莊。而此詩又比之元魯山。此人當是作邑張方回家。本編四言詩。于太

和詩中。此詩亦在太和作。不以民為梯。俯仰無所作。退之詩。將舉汝愆尤。以為已階梯。孟子仰不愧于天。俯不忤于人。胸中種妙覺。圓覺經。由彼妙覺性。徧滿故根性。塵性無壞無雜。歲晚期

必稷。然膏夜讀書。進學解云。焚膏油以繼晷。見聖宜有作。書君陳云。凡人未見聖。若不克見。既見聖。亦不克由聖。文字寄我來。官郵遠飛藁。藁謂置筒也。白樂天云。與微之唱和。

來去常以竹筒貯詩。又有世緣心已死。儻得萬金藥。萬金良藥。見灌夫傳。

四月戊申賦鹽萬歲山中仰懷外舅謝師厚。山谷銘胥夫人謝氏墓云。嘗任司封郎中。提點成都府路刑獄公事。或以疑似中之。坐失官數年。已有大臣寃其獄。天子直之。今爲屯田郎。

中。通判襄州。名景初者父也。景初字師厚。按師厚之弟。刑部尚書景溫所作謝氏小隱田記云。元豐五年。子自長沙以禮待召道出襄陽。時伯兄通判襄州。兄弟相見。皆首言矣。山谷此詩。是年所作無疑。其卜十數詩。皆述賦鹽之苦。蓋同時也。

只今漢龐公。白髮佐州郡。後漢書。龐公者。南郡襄陽人。也用襄陽事。因以龐比師厚。窮通視寒暑。莊子讓王篇。古之得道者。窮亦樂。通亦樂。所樂非窮通也。道得于此。則窮通爲寒暑風雨之序矣。仕已

誰喜愠。見前注。長松臥澗底。文選詩。鬱鬱澗底松。離離山上苗。以彼徑寸葉。蔭此百尺條。世胥漸高位。英俊沉下寮。桴雷多裂壘。方言。器破而未離謂之壘。未須論才難。柳子厚詩。才難不其

然。字本出論語。世人無此韻。晉庚徵傳。雅有遠韻。陶潛詩。少無適俗韻。性本愛丘山。禪悅稱性深。維摩經云。雖復飲食。而以禪悅爲味。語端入理近。渙

若開春冰。左傳序云。渙然冰釋。韓文公詩。離思春冰泮。爛漫不可收。超然聽年運。老子。燕處超然。莊子。年運而往。臨民秉三尺。漢杜周傳。客有謂周曰。君爲天子決平。不循三尺法。注云。以三尺竹簡書法律也。左傳魯

禮。乘周。朱墨不可紊。朱墨見前注。傳聞但言歸。心許手自隱。自隱見次韻師厚答馬著作注。欲知南陂稻。得幾就收拮。後漢范丹傳。拮拾自資。注引他書云。拮拾

麥得莊子山木篇猶且不邇金玉訓詩云毋金濡濡且肉食濡濡見穀棘恐鐘毀孟子對齊宣王曰正坐于

王曰牛何之對曰將以豐鐘龍移山發洪虎乳月生暈淮南子虎嘯而谷風至龍舉而竹聲寒夏簟輟寢中夜聽寄聲

向鹿門儻賜勞苦問龐公傳云遂攜妻子登鹿門山因采藥不反勞苦見漢張耳傳杜甫冬日懷李白詩未

癸丑宿早禾渡僧舍壬戌四月癸丑至辛酉賦驢

城頭渡可涉早禾渡可酌詩大東云維北有斗不可以挹酒漿注試問安用舟春水三丈餘是維一都會史記貨殖

漳河之間一都會也凡言一都會者八駟僧權征輸漢貨殖傳節駟僧注僧者合二家交易者也駟者其首率也駟鬱鬱多大姓儒冠頗詩書

漢趙廣漢傳穎川豪傑大姓以武斷鄉曲食貨志晁錯奏言井兼舊俗小未除厭囂謝近市左傳昭三年景公謂晏子曰子之宅近斬絕

得僧區劉孝標廣絕交論太行孟門豈曰斬絕此地美水竹林明見浴鳧杜詩沙暖低風相追唳菱藻楚辭鳧雁皆唳梁

舉子虛賦唳唳菁藻天樂非世娛莊子黃帝張樂于洞庭之野其卒無尾其始無首此之謂天樂李白宮中行樂詞春風開紫殿天樂下珠樓憶在田園日放浪友禽魚關

視飲序云放。今來長山邑。忍飢撫惻孤。出入部曲隨。漢光武紀云各領部曲注引續漢志曰大將軍營有五部部三校尉部下有部曲有軍候一人咳唾吏史趨。法書要錄蔡之

帖云頃因小差欲極遊。形骸束簪笏。可意一事無。杜詩咸陽客舍一事無謀生理未拙。仰愧擁腫樽。擁腫樽見前注曲肱晴簷低。結網

看蜘蛛。王荆公詩移牀獨臥秋風裏靜看蜘蛛結網絲

宿觀山

暮發白下地。白下見前注暝投觀山宿。橫溪赤欄橋。溫飛鵬樂府云一渠春水赤欄橋一徑入松竹。野僧如驚麋。文選沈休文詩避堂驚麋去不息

具燈燭。曹參傳避正堂舍蓋公我眠興視夜。詩子與視夜部曲始炊熟。覓水煙際鳴。以竹通水曰萬籟入秋木莊子齊物論敢問天籟子葉曰吹萬不同而使

其自也。平生蕭洒興。本願終澗谷。杜詩非無江海志瀟灑送日月世累漸逼人。晉謝安傳塵壑為來逼人如垢不澣沐。禮內則五日則燂湯請浴三日具沐其間面垢燂澣請頤釋文曰噴

音已。已成老翁為。作吏長碌碌。史記平原君傳公等碌碌因人成事

上大蒙籠。乙卯晨起



黃霧冥冥小石門。苔衣草路無人迹。爾雅。澗石衣。注水苔也。東漢馬后傳。黃霧四塞。杜詩。日滿樓前江霧黃。苦竹參天大石門。杜詩。喬木上參天。虎迹兔蹊聊

倚息。爾雅。蹊其跡。蹊。兔其跡也。注。跡脚所踐處。迹戶耶反。陰風搜林山鬼嘯。宋玉風賦。梢殺林莽。屈原九歌。有山鬼篇。杜詩。山鬼吹燈滅。廚人語夜闌。白樂天詩。水蟲能射影。山鬼解藏身。千丈寒藤繞崩石。

杜詩。缺籬將棘。拒。倒石賴藤纏。清風源裏有人家。牛羊在山亦桑麻。向來陸梁媪官府。陸梁見前注。莊子。官天地。府萬物。試呼使前問其故。衣冠

漢儀民父子。光武紀。復見漢官威儀。吏曹擾之至如此。窮鄉有米無食鹽。今日有田無米食。當作今日有鹽無食米。但願官清不愛

錢。太白贈崔秋浦云。見客但傾酒。爲官不愛錢。縣古槐根出。官清馬骨高。見歐陽公詩話。長養兒孫聽驅使。退之贈盧全云。有力未免遭驅使。

勞坑入前城 乙卯 飯後

刀坑石如刀。樂天入峽詩。大石如刀。劍小石如齒牙。勞坑人馬勞。窈窕篁竹陰。退之送區册序云。夾江荒茅。篁竹之間。本出漢書。是常主逋逃。武成云。爲天下逋逃主。白狐

跳梁去。甘泉賦注云。陸梁跳也。豪豬森怒嗥。雲黃覺日瘦。杜詩。久行見空巷。日瘦氣慘悽。木落知風響。退之祭文云。雪虐風號。號一作響。輕軒息源口。飯羹煮

溪毛。左傳。潤溪沼。注之毛。山農驚長吏。退之詩。山農驚見之。出拜家騷騷。檀弓。騷騷爾則野。借問淡食民。祖孫甘舖糟。退之。徐偃王碑。祖孫相望。楚辭。舖其糟而啜其醕。賴

官得鹽喫。正苦無錢刀。

泉布刀皆錢也。食貨志。王莽造契刀。錯刀。柳子厚詩。錢刀恐買害。飢至益逡巡。

乙卯宿清泉寺

稅輿陟高岡。

詩卷耳云。陟彼高岡。

卻立倚天壁。

宋玉大言賦。長劍耿介倚天。外。東坡詩。倚天無數開青壁。

就輿亂清溪。轉石飛霹靂。

太白詩。崩崖轉石萬壑雷。韓文公祭張署文。洞澗漫汗粘

天無壁。風濤相

厓中有霹靂。

十步一沮洳。

魏國風。彼汾沮洳。韓詩。大魚豈肯居沮洳。杜詩。沮洳棧道濕。

五步一枳棘。

阿房宮賦。五步一樓。十步一閣。

上方未言返。

上方見前注。

豁見平土

宅。書是降邸宅土。孟子。然後人得平土而居之。

田家雞犬歸。佛廟檀欒碧。

枚乘兔園賦。脩竹檀欒。王維詩。閉居日清淨。脩竹自檀欒。謝朓詩。檀欒映脩竹。

蓮蕩落紅衣。

趙嘏詩。紅衣落盡清蓮愁。

泉

泓數白石。人如安巢鳥。

杜詩。東走無復憶鱸魚。南飛覺有安巢鳥。韓文公聯句。暮鳥已安巢。春蠶看滿箔。

稍就一枝息。

莊子。鷦鷯巢于深林。不過一枝。

鐘魚各知時。吾亦自得

力。杜詩。生我不得力。

丙辰仍宿清泉寺

山農居負山。呼集來苦遲。既來授政役。

文選。東京賦。賦政任役。常畏人力之盡也。

謠詠謂余欺。按省其家貲。可忍鞭挾之。

元結春陵行。悉使索其家

而又無生資。左傳。一扶女。庸何傷。注。扶擊也。藪栗切。

恩言諭公家。疑阻久乃隨。膝口終自愧。

易。咸之上六。膝口說也。

吾敢乏王師。官寧憚淹留。

官字。蓋用韓退之灑

吏詩云。瀧吏垂手笑。官何問之愚。將官留京邑。何由知東吳。左傳傳三十三年。不腆敝邑。爲從者之淹留。職在拊嫗。所將部曲多。溷汝父老爲。漢陸賈傳。母久涸汝爲也。西山失半壁。太白

詩。青山欲銜牛邊日。且復下囊輜。漢王吉傳。所載不過囊衣。左傳囊十二年。楚重至于泌注云。輜重也。正義曰。輜一名餅。前後蔽以載物。啼鴉散簫帙。續運詩。散帙問所知。詩意謂日暮罷休文寄也。

吏稅巾衣。漢薛宣傳。日至休吏。石泉鼓坎坎。詩。坎坎鼓我言。泉鳴如鼓聲。竹風吹參差。楚辭。吹參差兮誰思。注。參差洞簫也。補注曰。風俗通云。舜作簫。其形參差。此聯雖以簫鼓爲喻。然亦取柳子厚南澗詩。迴風一

蕭瑟林影。書冷行熠燿。詩。熠燿宵行。注。熠燿燐也。燐螢火也。詩。蓋取車武子聚螢之意。壁蟲催杼機。古今注。促織一名投機。謂其聲如急織也。昏缸夜未央。缸燈也。西都賦。金缸銜壁夜未央。見詩。

### 高枕夢登巖

#### 丁巳宿寶石寺

鐘磬秋山靜。柳子厚詩。鶴鳴楚山靜。爐香沈水寒。楞嚴經云。見諸比邱燒沈水香。晴風蕩濛雨。詩。東山零雨其濛。雲物尙盤桓。歸去來辭云。撫孤松而盤桓。注云。爾雅曰。盤桓不進也。

淪茗赤銅碗。寬泉蒼煙竿。紅榴罅玉房。吳都賦云。榛栗脾發。文選。陸士衡用魏武文云。陪窈窕于玉房。注引漢書郊祀歌曰。神之出排玉房。柳子厚詩。侯家熾族雕玉房。此摘其字。么橋委金

丸。西京雜記。韓嫣好彈。以金爲丸。蘇舜欽詩。洞庭柑熟客分金。枕簟已思煖。飯羹可加餐。翟方進傳。飯我豆食羹芋。觀樂府詩。上有加餐飯。觀己自得力。談玄吾本乾。晉殷仲堪

傳。每云。三日不讀道。理窟乃塊然。晉張憑傳。簡文帝召憑與語。歎曰。張憑勒察爲理窟。賈實王上章明府。奉訓趨庭。束情田于理窟。曹子建求通親親表。每四節之會。塊然獨處。世故浪萬端。杜詩。世故莽相仍。王

辨傳云方  
故萬端

牛刀經肯綮

莊子庖丁解牛技  
經肯綮之未嘗

古人貴守官

左傳守道不如守官柳子厚論守道不如守官是非  
聖人之言未有守官而失道守道而失官之事者

摩挲發硯手

考此一丘槃

後漢薊子訓摩挲銅人此摘其字刀刃若新發于  
硯亦庖丁事衛國風考槃在澗注云考成槃樂也

山谷外集詩注卷十一

己未過太湖僧寺得宗汝為書寄山蘋白酒長韻詩寄答

從學晚聞道。莊子曰孔子行年五十有一而不聞道。

謀官無見功。魏伯陽參同契云竭力勞精神終身無見功。

早衰觀水鑿。

酒譜云人無于水監當于民監莊子人莫鑿于流水而鑿于止水。

內

熱愧鄰邦。莊子人間世篇今吾朝受命而夕飲冰我其內熱歟。

比鄰有宗侯。治劇乃雍容。摩手撫鰥寡。藁礎磔強梁。

老子強梁者不得其死莊子從其強梁隨其曲轉樂

府詩云藁礎今何在藁礎鉄也項籍傳身伏斧質師古曰質謂礎也古者斬人加于礎上而斫之鋸竹林反景帝紀云改礫曰棄市師古注礫張其尸也棄市殺之市也礫竹客反。

桃李與荆棘。

說苑簡子謂陽虎曰樹桃李者夏得休息秋得食焉樹莠

藜者夏不得休息秋得其刺焉。

稱物施露霜。易君子以稱物平施言恩威兼用如雨露霜雪也詩云兼葭蒼蒼白露為霜此摘其字。

政經甚縝密。

柳子厚詩崔永州墓悼于政經莫有禁繫

私不蚍蜉通。韓文

無蚍蜉蟻子之援此言無一蟻之私也。

吏舍無請賂。

曹參傳後園近吏舍吏舍日飲歌呼趙廣漢傳吏受取請求銖兩之姦皆知之尹賞傳受賂報仇。

家有侯在堂。府符下鹽策。

管子曰海王之國謹正鹽

筭十口之家十人食鹽百口之家百人食鹽。

縣官勸和羹。書若作和羹。

作民敏風雨。令先諸邑行。我居萬夫上。關情世無雙。此邑宅巖巖。

魯頌太山巖巖。

里中頗秦風。翁媪無恙時。出分如蜂房。

賈誼新書秦人家富子壯則出分家貧子壯則出贅。

一錢氣不直。

漢書灌夫罵賢曰平生豈程不識不直一錢。

白梃及

父兄簪筆懷三尺。揖我謂我臧。

山谷江西道院賦序其略云。江西之俗。其細民險而健。以終訟爲能。名曰。珥筆之民。惟琦爲州。獨不際于訟。然與南康。廬陵。宜春。三郡。並蒙惡聲。廬陵卽吉州也。齊國風。還云。揖我謂我臧兮。

三尺見前注。

向來豪傑吏。治之以牛羊。我不忍敵民。教養如兒甥。荆雞伏鵠卵。久望羽翼成。

莊子庚桑楚篇。越雞不能伏鵠卵。魯雞固能矣。音義。

曰。小雞也。或云。荆雞。魯雞大雞也。今蜀雞。張良傳。上召戚夫人指視曰。羽翼已成。不可動矣。

訟端洶洶來。諭去稍聽從。尙餘租庸調。

杜詩。況聞處處鬻男。女。割慈忍愛還租庸。歲歲稽法程。

漢賈誼云。立經陳紀。可以爲萬世法程。

按圖索家資。四壁達牖窗。揜目鞭扑之。

檀弓。每斃一人。揜其目。

桁楊相推振。

莊子云。桁楊接擗。音。身欲免。

官去駑馬戀豆糠。

桓範出赴曹爽。蔣濟曰。駑馬戀棧豆。爽必不能用也。見魏志。

所以積廩鹽。未使戶得烹。八月醜社酒。公私樂年登。遣徒與

會稽。

史記夏紀。禹會諸侯。江南計功而崩。因葬焉。命曰會稽。會稽者會計也。

而悉走荻篲。吾惟不足遣。

張良傳上曰。吾惟之。豎子固不足遣。適公自行耳。

夙駕略我疆。

詩。星言。夙駕。巴西。

軟戾地。

軟當作輒。音孤。莊子庖丁解牛。枝經肯綮之未嘗。而況大輒乎。注云。輒戾大骨也。音義云。盤結骨。

是嘗嬰吾鋒。齟齬其強宗。

齟齬也。口很切。退之曹成王碑。齟其彘。漢田儋傳云。秦復得志于天下。則齟齬首。

用事者。墳墓矣。注云。齟側。齟也。音義。齟齬也。音紇。

彼乃可使令。夙夜于遠郊。草露沾帷裳。

詩。漸車帷裳。

入磴履虎尾。

用易履卦語。杜詩。捫。

登。借問夕何宿。煙邊數峯橫。松竹不見天。

楚辭。山鬼。余處幽篁兮。終不見天。漢書。廣川王歌曰。內蕪鬱憂哀。積上不見天生何益。

蟠空作秋聲。谷鳥與溪瀨。合

絃琵琶箏。楚辭石瀨兮澗澗。杜詩絕壁過雲開錦繡。疎松隔水。奏笙簧。張籍祭退之詩云乃出二侍女合彈琵琶箏。稅駕亂石間。李斯曰吾未知所稅駕矣。巖寺鳴疎鐘。山農頗來服。見

其父孫翁。退之銘馬少監云吾未嘗老而哭其祖子孫三世。苦辭王賦遲。戶戶無積藏。民病我亦病。呻吟達五更。韻爲誦書語。一作書生語。

行歌類楚狂。論語楚狂接輿。歌而過孔子。舉鞭問嘉禾。秣馬可及城。嘉禾謂吉州永新縣也。縣有禾山。故號嘉禾。集中有答永新宗令寄石耳詩云嘉禾令尹清如水。宗令即汝爲也。惜哉憂

城旦。漢儒林傳竇太后好黃老。轅固曰此家人言矣。太后怒曰安得司空城旦書乎。惠帝紀當爲城旦春者皆耐爲鬼薪白粲。注云城旦者旦起行治城春作米。皆四歲刑也。不得對樹牀。灑筆付飛鳥。北風吹

報章。書回銀鉤壯。見前注。句與麝煤香。李建中題楊凝式大守壁後云枯杉倒桼。霜天老松煙麝煤風雨寒。山谷喜書此詩。浮蛆撥官醅。李太白詩恰似蒲萄新澆醅。曾南豐詩浮蛆滿甕嘗春酒。

傾壺嫩鵝黃。杜詩鵝兒黃似酒。對酒愛新鵝。山氣常蒼甸。杜詩蒼甸川氣黃。此物可屢觴。蘋藥割紫藤。開籠喜手封。味温頗宜人。杜詩疎快

顯宜人。筆以石飴薑。舉盃引藥糜。詠詩對寒江。寄聲甚勞苦。寄聲勞苦。並見前注。相思秋月明。我邑萬戶鄉。其民資器凶。

欲割以壽公。使之承化光。易含萬物而化光。反以來壽我。中有吞舟鯨。賈誼弔屈原賦彼尋常之汗漬兮豈能容夫吞舟之巨魚。杜詩中有掉尾鯨。銅墨俱王命。

文選策秀才文深汰珪符。妙簡銅墨。注云珪符謂刺史銅墨。謂縣令。漢書曰縣令長皆秦官秩六百石。銅印墨綬。職思慰孤惇。詩職思其憂。何時賭一擲。燒燭呪明瓊。晉劉毅傳擲博大擲一判至數百萬。

列子說符篇射者射明瓊注云齒五白也此卷先有三月乙巳來賦鹽萬歲鄉且蒐圃匿賦之家二首又有四月戊申賦鹽萬歲山中一首今觀此詩句見鹽之擾民甚矣司馬溫公記聞載皮公弼言官賣鹽無利實錄載皮公弼言官賣鹽不得不罷今觀此詩蓋官賣不售而賦之民也前三首有月日後十一首止稱甲子自癸丑至辛酉凡浹旬歷盡崎嶇雖不能無怨而詞甚婉

庚申宿觀音院

谷底一墟落。文選范彥龍詩軒蓋照墟落李善曰說苑云師曠謂晉平公曰五鼎不當生墟落地形如盎盆。棧題相照耀。孟子懷題數尺釋文云爾雅曰榜謂之懷題頭也其民頗家溫。

董仲舒傳家。溫而食厚祿土風甚于秦。不可借釜鬮。音言賈誼言秦俗云借父耰鉏慮有德色母取箕帚立而辭語潘安仁西征賦子贏鋤以借父訓秦法而著色僧屋無陶瓦。翦茅蒼竹樊。

吳錯傳茅茨不剪詩東方未明折柳樊圃注樊藩也借問僧安在。乞飯走諸門。人闕鳥鳥語。法言云一闕之市簾涼風水文。退之詩水旁有蜂蜜廬山

經云是惟螿蟴。頗聞衙集喧。碑唯蜂有兩衙應潮錢昭度村居云黃蜂衙退海潮上白蟻戰酣山雨來見談苑將雨蟻爭邱。慶兵復追奔。異聞集淳于棼夢人扶入宅南古槐穴中有大城門

樓題曰大槐安國。其王以女瑤芳妻之。使為南柯郡守。二十年有檀蘿國來伐。王命生征之。敗績。其妻病死。王謂生可暫歸。生上車。出一穴。見本里閭巷。入其門。見己身臥堂廡下。發悟如初。穴中倏忽若度一世矣。遂尋古槐下穴。見大穴洞然。積土壤為城郭臺殿之狀。有蟻

數斛。中有小臺。二大蟻處之。即槐安國也。又窮一穴。直上南枝。亦有土城小樓。即南柯郡也。宅東一里。澗側有大檀樹。藤蘿纏繞。旁有蟻穴。意其為檀蘿國。合短兵鏖。卓閣下。見霍去病傳。追奔逐北。見文選李陵書。紅英委鳳翼。赤幘義



雞冠。老杜樹雞欄詩云終日汲烹寒泉窟。伐竹古松根。相戒莫浪出。月黑虎夔藩。老杜課伐木詩序云我有藩籬是缺

情赤幘今以言雞冠花

黑檜突。夔人屋壁。山谷蓋用此語。而杜詩作干夔州。所謂夔人。蓋夔州之人也。老杜有夔州詠閣詩云。市暨漢西嶽。自注云。市暨夔人語也。夔人屋壁即此類。文選鑽光殿賦。鑽欲動而陵阨。夔藩蓋誤以夔人為夔阨之義也。陵阨動也。

### 辛酉憩刀坑口

羣山黛新染。卓文君眉色不加黛飾常若遠山韓文公南山詩天宇浮修眉濃綠畫新就蒙氣寒鬱鬱。漢京房傳上封事曰辛酉以來蒙氣衰去太陽精明辛巳蒙氣復乘卦太陽侵色復上封事曰乃丙戌小雨丁亥蒙氣去

掃除迎將家。莊子寓言篇其往也舍者迎將其家公執席釋文曰家公主人公也一讀舍者迎將其家為句此事本出列子列子云舍者迎將家注云客舍家也山谷本用此語而莊子云迎將其家多一其字轉寫誤耳釋文又承誤也下簾

脫巾鞵。退之送文暢詩詭制恆巾鞵南北舍小棠。詩蔽芾甘棠勿剪勿伐召伯所友毛云蔽芾小貌箋云舍小棠之下況可清煩渴。文選西京賦此焉清暑史記禹扇暍暍暑病也鳥聲廢書眠。

聊以休吏卒。竹雞苦喚人。北夢瑣言醫工云竹雞食半夏陶岳零陵記云竹雞狀如鷓尾少長大率皆鳩也方言各異耳喚謂喚雨覺坐觀法窟。無外同一家。見前注王荆公雜詠萬物予一

體九州予一家惟已非萬物。清波兩鴛鴦。善游且能沒。莊子達生篇顏淵問仲尼曰吾嘗濟乎觴深之淵津人操舟若神吾問焉曰操舟可學耶曰可善游者數能若乃夫沒人則未嘗見舟而便操之也驚

人相追飛。甚念失其匹。文選劉安招隱士云禽獸駭兮亡其曹春鉏貌閒暇。爾雅鷺春鋤鷓鳥賦止于坐隅貌甚閒暇羨魚情至骨。董仲舒云臨淵羨魚不如退而結網杜周傳內深次骨注

云深刻。廣道策堅良。漢食貨志乘堅策良。墨子聖王爲至骨也。熙熙集于苑。國語晉優施謂里克妻曰。主孟昭我。我教茲暇豫事君。乃歌曰。暇豫之吾吾不如鳥鳥。人皆集于苑。已獨集于枯。里克曰。

何謂苑。何謂枯。曰。其母爲夫人。其子爲君。可不謂苑乎。其母既死。其子又有勝。可不謂枯乎。詩苑彼柳斯。鳴蜩嘒嘒。苑音觀。今叶韻。當用此音。爛額始論功。儻能謀曲突。漢霍光傳。初霍氏奢侈。茂陵徐

泰盛。宜以時抑制。無使至亡。書三上。輒報聞。其後霍氏誅滅。而告霍氏者。皆封人。爲徐生。上書曰。臣聞客有過主人者。見其竈直突。旁有積薪。客謂主人。更爲曲突。遠徙其薪。不者。且有火患。主人默然不應。俄而家果失火。鄰里共救之。幸而得息。于是殺牛置酒。謝其鄰人。灼

爛者。在于上行。餘各以功次坐。而不錄言曲突者。人謂主人曰。向使聽客之言。不費牛酒。終亡火患。今論功。而曲突徙薪亡恩澤。燠頭爛額爲上客耶。主人寤而請之。今茂陵徐福。數上書言霍氏。且有變。宜防絕之。使福說得行。則國無列土出爵之費。且無逆亂誅滅之敗。往

事既已。而福不蒙其功。惟陛下察之。此詩篇未。蓋有所諷也。

金刀坑迎將家待追漿坑十餘戶山農不至因題其壁

窮鄉阻地險。篁竹嘯夔魘。篁竹見前注。國語云。木石之怪夔。水之怪龍。文選東京賦。殘夔魘與罔象。注云。夔。木石之怪。說文曰。魘。耗鬼也。甘泉賦亦云。捐夔魘而扶獮狂。惡少擅三窟。見前注。杜詩。竊雄惡少皆

封侯。又詩。寄語惡年少。黃金且休擲。李白詩。孟嘗習狡兔。三窟賴馮煖。不承吏追呼。老翁燕無凶。此句疑舛誤。偃蹇坐里閭。後生習聞見。官不禁權輿。爾雅。權輿。

始也。懷書斥長吏。持杖慶公徒。慶見前注。魯頌。公徒三萬。遂令五百里。化爲豺豕墟。古來沈牛羊。撤水臣鱸魚。韓退之。皆鱸魚文。云以羊一豬一投

惡溪之潭水。以與鱸。猛虎剝文章。矧而民髮膚。孝經身 哀哉奉其身。曾不如鳥烏。見前 破家縣令手。南面天子除。

要能伐強梁。然後活惇孤。屬爲民父母。未教忍先誅。孟子曰。惡在其爲民父母也。又曰。其教之不改。而後誅之乎。 山川甚秀拔。人物亦詩書。

十室有忠信。此鄉何獨無。見論語。

### 次韻漢公招七兄

白髮霏霏雪點斑。朱櫻忽忽鳥銜殘。傳燈錄。潯山與仰山遊行次。鳥銜一紅柿。落前。祐將與仰山。仰山接得。以水洗了。卻與祐云云。介甫詩云。鳥殘紅柿昔曾分。 公庭休吏進湯餅。

漢薛宣傳。日至休吏。湯餅見前。戲贈彥深詩注。 語燕無人窺井欄。詩句多傳知有暇。道人相見不應難。老郎親屈延處士。風味依稀如

姓桓。元注云。桓沖禮處士劉麟之。鄭粲甚厚。按晉桓沖傳云。命處士南陽劉麟之爲長史。麟之不屈。親往迎之。禮之甚厚。又辟處士長沙鄭粲爲別駕。備禮盡恭。粲感其好賢。乃起應命。

### 寄題安福李令適軒 安福縣 隸吉州

琳宮接叢霄。此軒當在道觀。故云。道人勤洒掃。 淥水連翠微。爾雅。山未及上。翠微。 幽花露林薄。甘泉賦。列新夷于林薄。韓文公詩。潛軍索林薄。 好鳥娛清輝。謝靈運詩。清輝能娛人。遊子澹。

忘道人勤洒掃。令尹每忘歸。孝慈民父母。虎去蝗退飛。

後漢劉昆傳。守弘農。虎北渡河。卓茂傳。時天下大蝗。獨不入密縣界。晉蕃傳。郡國螟傷稼。犬牙緣界。不入中牟。左傳。六鷁退飛。

來思僚友同。小雅。爾羊來思。爾牧來思。

歌舞醉紅衣。定知與民樂。

孟子云。與民同樂。

吏瘦吾民肥。唐韓休傳。帝曰。吾雖瘠。天下肥矣。

寄題安福李令先春閣

宮殿繞風煙。此句與前篇琳宮同意。

江山壯城郭。令君莪桃李。

太白詩。因君莪桃李。李此地忽芳菲。

面春築飛閣。春至最先知。雨露徧花藥。

淵明詩。言息其廬。花藥分列。鮑明遠詩。乳燕拾草蟲。巢蜂拾花藥。

是日勸農桑。冰銷土膏作。

周語云。土乃脈發。又曰。土膏其動。張平子東京賦。農祥晨正。土膏脈起。

絃歌出縣齋。

子之武城。聞絃歌之聲。見

論語。退之有縣齋讀書詩。

裴回問民瘼。後漢循吏傳。序廣求民瘼。

雞犬聲相聞。莊子。胠篋篇。鄰邑相望。雞犬之聲相聞。老子亦云。

嬰此簿領縛。簿領見前注。

安得攜手嬉烹茶。

煨鴨脚。

歐陽公和梅聖俞鴨脚子詩。絳囊因入貢。銀杏貴中州。又詩。鴨脚雖百箇。得之誠可珍。

寄題安福李令愛竹堂

淵明喜種菊。見陶潛詩集。

子猷喜種竹。

晉王徽之。字子猷。寄居空宅。便令種竹。曰。何可一日無此君耶。

託物雖自殊。心期俱不俗。

見前注。

千載得李侯。異世

等風流。

風流見答張沙河詩注。李白答杜秀才詩。吾非謝尚邀彥伯。異代風流各一時。

為官恐是陶彭澤。愛竹最知王子猷。寒窗對酒聽雨雪。夏簟烹茶

臥風月小僧知令不凡材。老杜鷹詩金眸玉爪不凡材。自掃竹根培老節。富貴于我如浮雲。見前論。安可一日無此君。見前注。人

言愛竹有何好。此中難爲俗人道。晉孟嘉傳。桓溫問嘉。嘉曰。公未得此中趣耳。司馬遷報任安書。此可爲知者道。雖爲俗人言也。我于此物更不疎。一官窘

東何由到。賈誼賦。窘若囚拘。文選吳都賦。昂籠窘束。退之詩。人生如此。自可樂。豈必局束爲人縲。

### 題安福李令朝華亭

丹楹刻桷上崢嶸。春秋莊二十三年秋。丹桓宮。楹二十四年三月刻桓宮桷。表裏江山路。一作略。眼平。表裏山河必無害也。見左傳。僖二十八年。樂天詩。嵩山表裏千重雪。曉日成霞張錦

綺。謝朓詩餘。霞散成綺。青林多露綴珠纓。謝靈運詩云。花上露猶泣。法華經普門品云。無盡意白佛言。我今當供養觀世音菩薩。卽解頸象寶珠纒。路以與之。文選王明君詞云。泣淚濕珠纒。人如旋磨觀羣蟻。

見前注。田似圍碁據一枰。文選博奕論。一枰之上。李善本從。木音平。五臣本作一枰。補萌切。對案昏昏迷簿領。暫來登覽見高明。

登快閣。快閣在太和。山谷送呂知常赴太和丞云。我去太和欲莽矣。呂君初得太和官。又云。快閣六月江風寒。

癡兒了却公家事。生子癡了官事。官事未易了也。了。事正作癡。復爲快耳。見晉傅咸傳。快閣東西倚晚晴。唐李涉感興詩。隋氏造宮闕。巖巖倚雲煙。落木千山天遠大。澄江一

道月分明。老杜天河詩。常時任顯晦。秋至最分明。李白詩。水寒夕波急。木落秋山空。柳子厚詩。木落寒山靜。江空秋月明。朱絃已爲佳人絕。用鍾期伯牙事。不知謂誰。青眼聊因美酒橫。萬里

歸船弄長笛。此心吾與白鷗盟。夏文莊詩。自有沙鷗知此心。

和李才甫先輩快閣五首

山寒江冷丹楓落。唐文藝傳。崔信明詩云。楓落吳江冷。爭渡沙人簇晚沙。庾信詩。河橋爭渡喧。孟浩然詩。瀟梁渡頭爭渡喧。菰葉蘋花飛白鳥。一張紅錦夕

陽斜。杜牧之題草家亭子云。鶯紅半落平池晚。曲渚飄成錦一張。

赤欄終日倚西風。山色揆藍小雨中。雪浪齋日記。荆公小詞云。揆藍一水繁花草。寂寞小橋千嶂抱人。不到柴門。自有清風掃。唐人詩。但言水如藍。揆藍字當始于荆公。將老鬢毛秋著

木相思親舊水連空。

長江淡淡吞天去。杜牧之詩。大江吞吳去。一練橫坤軸。甲子隨波日日流。杜詩。別來類甲子。歸到忽春華。萬事轉頭同墮甌。郭林宗傳後。孟敏荷甌墮地。不顧而去。一身

隨世作虛舟。莊子。虛船觸舟。見前注。

雲橫章貢。二雨翻盆。杜詩。白帝城下雨翻盆。寺下江深雨到門。落日荷鋤人著本。漢食貨志。著民之道。地著爲本。注。謂安土也。音直。略反。賈誼說上曰。今驅民而歸之農。皆著其

水各食。西風滿地葉歸根。鮑明遠詩。別葉早辭風。注引翼其力。氏風角云。木落歸本。水流向東。

西南佳氣浮馬祖。馬祖山也。東北祥風繞靜居。靜居寺。即青原山。王褒頌。恩從祥風翻。山邑豐年人少訟。身來訪道得齋魚。

八月十四日夜刀坑口對月奉寄王子難子開適用。元注云。聞郡中數月未嘗有燕遊。○子難名。魏臣。

去年對月廬陵郡。吉州曰廬陵。郡治廬陵縣。醉畱歌舞蹋金沙。老杜陪王使君晦日泛江詩。云有徑金沙。軟無人碧草芳。今年今夕千峯下。新磨古鑿動菱

花。魏武帝有菱花鏡。趙飛燕外傳。有七出菱花鏡。一奩。庾信詩。鏡失菱花影。斂除卻月梁。寒藤老木被光景。深山大澤皆龍蛇。左傳。襄二十一年。深山大澤。實生龍蛇。杜詩。深山大澤。龍蛇遠。春寒野陰風景。

暮。西風爲我奏萬籟。落葉起舞驚棲鴉。遙憐城中二三友。風流慣醉玉釵斜。退之詩。金釵半醉座添春。今夕傳杯定何處。

老杜詩。舊日重陽日。傳杯不放杯。應無二十四琵琶。此言吉州官妓琵琶之數。亦見次韻周德夫詩注。

### 彫陂

彫陂之水清且泚。老杜云。蛟之橫出清泚。屈爲印文三百里。韓文公城南聯句。沙篆印平。回沙篆鳥跡之在沙者。印如篆文。呼船載過七十餘。褰裳亂流初

不記。鄭國風子惠思我。襄裳涉漆。○元注。竹輿嘔嘔山徑涼。僕姑呼婦聲相倚。見前篁中猶道泥滑滑。泥滑滑蜀中號雞頭鷓梅舞俞

五禽詩泥滑滑。僕夫慘慘耕夫喜。窮山爲吏如漫郎。漫郎唐元結自謂也見本傳。安能爲人作嚙矢。莊子在宥篇焉知曾史之不爲傑陌之嚙矢也言曾參史鱗。老

僧迎謁喜我來。吾以王事篤行李。鮑明遠詩手迹可傳心願爾篤行李。知民虛實應縣官。我寧信目不信耳。霍光傳縣官非我家將軍不得至是如淳曰縣官謂

天子。東平王字傳。縣官年少。張晏曰。不敢指斥成帝謂之縣官。高士傳孔子曰。吾之信顏回。非獨今日所信者。目目猶不可信。僧言生長八十餘。縣令未曾身到此。

幾復寄檳榔且答詩勸予同種復次韻寄之

黃幾復名介。豫章西山人。山谷誌其墓。熙寧九年。同學究出身。爲長樂尉。廣州教授。楚州推官。知四會縣。仕于嶺南者十年。元祐三年。沒于京

師與山谷少年交遊。

少來不食蟻邱漿。莊子則陽篇孔子之楚。舍于蟻邱之漿。詞多不錄。白氏六帖謂蟻邱之漿。實漿之家也。老去得意漆園方。見前鑑中已失兒時面。忍能乞與

兵作郎。傳燈錄云。認奴作郎。此摘其字。獨未知其意所指也。

黃幾復自海上寄惠金液三十兩。且曰。唯有德之士宜享。將以排蕩陰邪。守衛真火。幸不以凡物畜



之戲答

皺面黃鬢已一翁。迫于衰毫髮白面皺見楞嚴經已成老翁見前注。樽前猶發少年紅。樂天詩衰顏借酒紅王荆公詩衰顏漫到酒邊紅。金丹乞與煩真友。只恐無

名帝籍中。

禮記月令藏帝籍之收于神倉今借使以言掛名仙籍也樂天詩但恐長生須有籍仙臺試爲檢名看纂異本作黨籍蜀本作常籍舊本作掌籍皆誤。

幾道復覓檳榔。

案此題疑誤味詩語似是向人覓檳榔者又前篇幾復寄檳榔且答詩則所答或卽此詩。

蠻煙雨裏紅千樹。逐水排痰射後方。

射後見前注。

莫笑忍飢窮縣令。

陸龜蒙杞菊賦序云我幾年來忍飢誦經豈不知屠沽兒於酒肉耶

煩君一斛寄檳榔。

劉穆之爲丹徒尹召妻兄弟及醉令廚人以金杵貯檳榔一斛進之。

次韻幾復答予所贈三物三首

誰憐湖海士。

見前注。

白髮夜窗檠。

退之短檠歌太學書生束魯客二十辭家來射策夜書細字綴語言兩眼眇昏頭雪白。

風雨雞不已。

詩風雨如晦雞鳴不已。

詩書眼尙明。禪

枝安宿鳥。

禪枝見和外舅夙興詩注。

僧粥吼華鯨。

東都賦發鯨魚經華鍾以言木魚呼粥也。

但滿五車讀。

五車見前注。

行看一座傾。

一座盡傾見司馬相如傳。

右石燈檠

絕域薔薇露

嶺南有薔薇露。楊文公談苑。金陵宮中人。採薔薇水染生帛。一夕忘收。為濃露所漬。色倍鮮翠。今言其香也。

他山菡萏爐

詩他山之石。可以攻玉。西京雜記。丁緩作九層博山香爐。鑿為奇禽怪獸。今刻蓮花也。爾雅。荷

芙蓉其

華萼萼

薰衣作家想。伏枕夢閨姝。遊子官蟻穴。

見前注。

謫仙居匏壺。

用費長房傳壺公事。

當時有憂樂。回首亦成無。

一作稍薰衣一莞似。

慰客心孤。遊子夢蟻穴。謫仙居

瓢壺。罪罽麗絲網。清與可能無。

右石博山

九原誰復起

檀弓。死者如可作也。吾誰與歸。

糟魄未傳心

見前注。

不取丁儀米

晉陳壽傳。丁儀。丁廙。有盛名于魏。壽謂其子曰。可覓千斛米。見與當為尊公作佳傳。丁不與。竟不立傳。

疑成校

尉金

曹操特置發邱中郎將。摸金校尉。見文選陳琳檄。

名從高位借。德有下僚沈

選詩。英俊沈下僚。

筆削多瑕點

孔子世家。筆則筆。削則削。退之詩。指摘困瑕玷。

猶希畏友箴

一本云。筆從高位曲。陸有德人。沈救俗規如此。慵疎廢古今。

右石刻

送酒與畢大夫

淺色官醅昨夜筭。一樽聊付卯時投

卯酒見前注。

甕邊吏部應歡喜。殊勝平原老督郵

晉畢卓。字茂世。為吏部郎。比舍耶。釀熟。卓夜至其甕間。盜飲之。

爲掌酒者所縛。明且視之。乃畢吏部也。世說。桓公有主簿善別酒。好者謂青州從事。惡者謂平原督郵。青州有齊郡。言至齊也。平原有鬲縣。言至鬲上住也。

### 喜太守畢朝散致政

膏火煎熬無妄災。

文選阮嗣宗詩膏火自煎熬。多財爲患害。注引莊子山木自寇也。膏火自煎也。易无妄六三无妄之災。杜詩置膏烈火上。哀哀自煎熬。

就陰息迹信明哉。

就陰出莊子。已見前注。書元首明哉。

功名富貴兩蝸角。

莊子則陽篇有國于蝸之左角者。曰觸氏。有國于蝸之右角者。曰蠻氏。時相與爭地而戰。伏尸數萬。逐北旬有五日而後反。

險阻艱難一酒杯。

左傳險阻艱難備嘗之矣。

百體觀

來身是幻。

維摩經云。又復觀身不離病。

萬夫爭處首先回。胸中元有不病者。

傳燈錄。德山宣鑿禪師。師因疾。僧問。還有不病者。無師曰。有。如何是不病者。師曰。阿耶阿耶。

記得陶

潛歸去來。

山谷詩畢守之墓云。吉州太守。以元豐五年冬。沒于理所。其銘云。公疾臥牖。上章請老。

### 次韻道輔雙嶺見寄三疊

和答魏道輔等凡四詩。今攷三詩。皆言徐德占而永樂之禍。乃元豐五年九月。今置之五年。庶與詩合。

明如九井瑣。

見前注。

美如三危露。

三危露。見前注。

貞觀魏公孫。

魏徵也。

今來功名誤。

杜詩從來禦魘魅。多被才名誤。

兒時漢南柳。搖落傷歲暮。

時不與我謀。

論語。日月逝矣。歲不我與。韓文公復志賦。衰白日之不與吾謀兮。至今十年其猶初。

義和促天步。

離騷經云。吾令羲和弭節兮。望崦嵫而勿迫。注云。羲和日御也。詩云。天步艱難。陸士衡詩。昭昭清溪輝。粲粲光天步。

生涯魚吹沫。

莊子大宗師篇。泉涸魚相與處于陸。相陶以濕相濡以沫。不如相忘于江湖。

文彩豹藏霧。

南山霧豹見前注。文選。謝朓詩。雖無玄豹姿。終隱南山霧。

人言壺公老。渠但未得趣。

晉孟嘉傳。公未得酒中趣耳。

飲酒入壺中。茫然失巾屨。

後漢費長房傳。市有老翁賣藥。掛一壺。市罷輒跳入壺中。惟長房觀之。因往奉酒脯。翁與俱入壺中。惟見玉堂殿。殿中酒甘肴共飲。畢而出。老杜詩。松下丈人巾屨同。偶坐似

是商山翁。時不與我謀。今君向何處。

蓮塘倒箭欵。

集中有代書一篇。亦云蓮房倒箭欵。

桂影涼。

一作落。

霜兔平生知音地。地下無尺素。

樂府詩云中。有尺素書。

十夜九作夢。虜乘驚沙

度。李華甲古戰場文。驚沙入面。又云。河冰夜渡。

時不與我謀。征西枕戈去。

自平生知音地至此。皆言徐德古也。越王句踐。出則嘗膽。夜則枕戈。晉劉琨傳。吾枕戈待旦。

### 次韻章禹直魏道輔贈答之詩

按山谷與章禹直手簡云。昨與德素天悅會語。縣庭殊思與公同之。又云。與道輔唱酬詩。已送道輔。聞道輔昨已宿雙嶺。少間錄呈。可見在太和作。

我老倦多故。心期馬少游。

淵明詩。實欣心期。方從我遊。文選。任彥昇詩。中道遇心期。後漢馬援傳。援謂官屬曰。吾弟少游。常哀吾慷慨多大志。曰。士生一世。但取衣食才足。乘下澤車。御款段馬。為郡掾吏。守墳墓。鄉里稱善人。斯可矣。

願為春眠蠶。吐絲自綢繆。

詩。綢繆束薪。白樂天詩。蠟蛾誰救護。蠶繭自綢繆。

翩翩魏公子。

史記。平原君。翩翩濁世之佳公子也。

閱世無全牛。

見前注。

吹噓鼓萬物。

說卦云。動萬物者。莫疾乎雷。撓萬物者。莫疾乎風。

領袖傾九流。

晉裴秀傳。時人為之語曰。後進領袖有裴秀。後漢班固傳。博貫載籍。九流百家之言。無不窮究。注云。九流謂道。儒。墨。名。法。陰。陽。農。雜。縱。橫。

昨來懷白壁。往撼

西諸侯。史記。藺相如奉璧入秦。使其從者衣褐。懷其璧。亡歸。退之王適。墓誌云。開金吾季將軍。年少喜土。可撼乃踏門。告曰。天下奇男子。王適。願見將軍白事。中丞文武將。徐德占。自布衣爲中書戶房習學。公事召對。除太子中允。館閣

校勘。監監察御史。裏行拜中丞。致有永樂之敗。已見前注。良非衛霍侔。青去病。誓開河源地。畫作禹貢州。壯士捐軀死。文選。曹子建詩。捐軀遠從戎。鯨鯢尙吞舟。

莊子。吞舟之魚。蕩而失水。則蠃能苦之。左傳。宣十二年。取其鯨鯢而封之。客心無一寸。庾信詩。且將一寸心。能容萬斛愁。老杜心折。此時無一寸。草食隨百憂。木食草衣。見傳燈錄。故人道舊語。漢高帝紀。諸母

故人日樂飲極歡。末路非前籌。鄒陽傳。至其晚節。末路。張良傳。請借前箸籌之。重來滕王閣。閣在洪州。德占洪州人。今爲隆興府。楓葉江上秋。章子飽經術。賦詩

如曹劉。曹植子建。劉楨公幹。太學得虛名。文選。古詩。南箕北有斗。牽牛不負輓。良無盤石固。虛名復何益。權勢殊未尤。禍機發無妄。易。无妄之災。禍機。見前注。對吏抵搶頭。

司馬遷書。見獄吏。則頭搶地。遇逢椎鼓赦。帝澤萬邦休。退之詩。昨日州前椎大鼓。嗣皇繼聖登靈臺。章江三年拘。解裝買莫愁。文選。馬賦。轅駕回廬。

息徒解裝。退之詩。解裝具盤筵。古樂府云。河中之水向東流。洛陽女兒名莫愁。唐書樂志曰。莫愁樂者。出于石城樂。石城有女子名莫愁。善歌謠。麗姬泣又悔。見前注。生故難豫謀。邂逅識面晚。困窮

理相收。夜語倒樽酒。參旌偃風旒。文選。景福殿賦。參旗九旒。從風飄揚。注云。參三也。旗上畫日月星。今言夜語見星耳。兩公但取醉。古今共高邱。取醉。見前注。漢楊惲傳。古與今

如一邱之貉。注云。言同類也。

山谷外集詩注 卷十一

二五七

次韻道輔旅懷見寄

歲華其將晚。霜葉不可風。

孟子王曰。有寒疾不可以風。此借使漢韓安國傳。草木經霜者。不可以風過。

生理魚乞水。

轍中鮪魚見前注。

歸心鳥飛空。風塵化衣黑。

陸士衡詩。京洛多風塵。素衣化為緇。謝朓詩。誰能久京洛。緇塵染素衣。皆見文選。

旅宿夢裙紅。

退之詩。孤遊懶耿介。旅宿夢婉媿。又云。不解文字飲。唯能醉紅裙。

人言家無壁。

司馬相如家徒四壁立。

自倚筆

有鋒。

退之詩。題詩尙倚筆。鋒勁蓋川鮑明遠詩。兩說窮舌端。五車揮筆鋒。

轉蓬且半歲。

曹子建詩。轉蓬離本根。飄飄隨長風。步里客談云。古人多用轉蓬。不知何物。外祖林公使遠。見蓬花枝葉相屬。團圓在地。遇風卽轉。問之云。轉蓬也。

臂各衰翁。

莊子。吾終身與汝交一臂而失之。司馬長卿巴蜀檄文。單于怖駭。交臂受事。交臂拱手也。

扁舟去日遠。明月與君同。

千里共明月見前注。

露晞百年駛。

詩。湛湛露斯。匪陽不晞。言

人生如朝露也。駛音史。疾也。圓覺經。雲駛月運。

麟獲萬事窮。春秋絕筆。于獲麟。

裝懷酒澹淡。

英瑛二字元注也。上林賦云。隨風澹淡。與波搖蕩。師古曰。澹大覽反。淡音瑛。北山移文云。驟訴德德裝其懷。

塞意霧

空濛。諸公尙無恙。

賈誼書。六七貴人皆無恙。

不見陳元龍。

此語亦指徐德占。按魏志。陳登字元龍。許汜曰。陳元龍湖海之士。豪氣不除。

和答魏道輔寄懷十首

魏泰字道輔。襄陽人。曾子宣婦弟。有東軒錄。自號漢南處士。

堂堂陽元公。人物妙晉東。

晉魏舒字陽元。太白詩。能成吾宅相。不減魏陽元。

魏侯多能事。髣髴見家風。長魚無波濤。坐與鰕蜆同。

後漢魏黨傳魚

不可脫于淵神龍。諸山搖落盡。旅食歲時窮。魏文帝與吳質書。旅食南館耳。杜詩。旅食京華春。

平生弄翰墨。客事半九州。天末逢故人。老杜天末懷李白云。涼園蔬當看羞。柳子厚詩。撥野代嘉肴。酒闌豪氣在。尙欲椎肥

牛。漢高祖紀。酒闌注云。飲酒者。半罷牛在謂之闌。豪氣見前注。曹子建筮篋引。中廚辦豐膳。烹羊宰肥牛。李白詩。丈夫相見宜。爲樂。椎牛擗鼓會衆。實桐江詩話云。魏道輔與王介甫兄弟。最相厚。試院中。因上請。恃才豪縱。殿主文幾死。坐是不許取應。虞卿不

窮愁。後世無春秋。詳見前用舊韻。寄孔毅父詩注。

雷行萬物春。易无妄。天下雷行。物與无妄。天震而地撼。閉塞成冬冰。月令。孟冬之月。天地不通。閉塞而成冬。楚越自肝膽。莊子德充符篇。自其異者視之。則肝膽楚越也。李白詩。肝膽不

楚越山河。貂狐諒柔温。貂狐見前注。温柔。鄉見趙飛燕外傳。藜藿自羹糝。藜藿不慘見前注。六家指要。云。墨氏糲梁之食。藜藿之羹。相思牛羊下。詩。牛羊下來。城鼓寒紉紉。晉

攸傳。吳人歌曰。紉如打五鼓。雞鳴天欲曙。

劍埋豐城獄。氣與牛斗平。見前注。皇明燭九幽。文選。西都賦云。散皇明以燭幽。山海經曰。赤水之北。有神。其瞑。乃晦。其視乃明。是燭九陰。是謂燭龍。黃庭經。九幽日月洞虛無。湔祓用神兵。

神兵見豐城詩注。誰言黃沙磧。杜詩。今君渡沙磧。班固北征頌。衝雞鹿超黃磧。矢盡鼓不鳴。李陵傳。一日五十萬矢。皆盡。夜半時擊鼓。起士鼓不鳴。至今門下士。落涕爲荆卿。荆軻傳。荆

軻衛人也。衛人謂之慶卿。軻為燕太子丹使秦。左手把秦王之袖。而右手持匕首。搃之。秦王自引而起。左右前殺軻。此語為徐德占作。德占。山谷從妹潘子真詩話云。道輔少與徐忠愍及山谷老人友善。

別時燕辭屋。草黃秋半分。今來冬日至。稍添刺繡文。冬至日添一線。史記貨殖傳。刺繡文不如倚市門。百年幾會古。美酒不屢醜。犀牛

可乞角。窮士難薦論。文選蜀都賦。拔象齒。戾犀角。戾立結反。拔犀之角。擢象之齒。見唐舒元與傳。山谷帖有戲答寶勝云。易拔蒼龍角。難參寶勝禪。語意與此同。

排江鬼瞰室。揚雄解嘲。高明之家。鬼瞰其室。貫朽粟紅陳。漢食貨志。京師之錢。累百鉅萬。貫朽而不可校。太倉之粟。陳陳相因。紅腐而不可食。君行誰為容。鄒陽傳。蟠木根柢。輪困離奇。而為萬乘器者。以左右

先為之。容也。款門定生噴。漢宣紀。款塞來享。注云。叩塞門也。韓文公詩。誰家有竹門可款。又詩。剝剝啄啄。有客至門。我出不應。客去而噴。今言主人噴也。諒無綈袍故。史記范雎傳。綈袍。懸懸。有故人之意。盡是白頭

新。鄒陽傳。白頭如新。傾蓋如故。天涯阿介老。有鼻可揮斤。阿介老。疑是黃介字幾復。元豐末。為端州四會縣令。前集和謝公定秋懷云。四會有黃令。學古著勳多。白頭對紅葉。奈此搖落何。雖懷斲鼻巧。有斧且無柯。與斲鼻

可揮斤語意同。阿介云者。如晉人以王平子為阿平也。斲鼻見前注。

赤豹負文章。楚辭。乘赤豹兮從文狸。歲晚智劓剛。楚辭。握劓剛而不用兮。操規矩而無所施。注。劓。剛。刻鑊刀也。剛亦作剛。淮南子。鑊之以劓。剛退之。詩。先生闕窮巷。未得窺劓剛。上居蟻。切下音厥。渴飲南山

霧。見前。注。飢食西山蕨。張翰傳。與子采南山蕨。見春榮詩注。封狐託脂澤。豐狐文豹。見莊子等書。離騷經。又好射夫封狐。注云。封大也。郭氏玄中記。曰。千歲之狐為淫婦。百歲之狐為美女。白樂天古塚狐云。狐假女妖害猶



淺一朝一夕迷人眼。女爲狐媚害即深。日長月長溺人心。  
眉頰頗秀發。唐司空圖山居記云。中條距虞鄉百里。亦猶人之秀發。必見于眉宇之間。時時一樽酒。沈休文詩。勿言一樽酒。明日 婆娑

弄風月。退之詩。我今宜閒得婆娑。

猛虎倚山號。強梁不敢前。失身檻穽間。搖尾乞人憐。司馬遷書。猛虎處深山。百獸震恐。及其在 男子要身在。退之詩。學問藏

之身。身在則有餘。史記魏豹等贊曰。智略絕人。獨患無身耳。得攝尺寸之柄。雲蒸龍變。  
萬金自保全。老杜。王孫善保千金軀。雲黃雉兔伏。霜鴉莫空拳。杜詩。霜鴉不空拳。

生涯共七十。去日良已半。山谷生于乙酉。至庚申。作邑太和時年三十六。短長相缺望。楚辭卜居。尺有所短。寸有所長。漢盧綰傳。羣臣缺望。缺音決。面一作 盡酒可斷。大道

體甚寬。大道甚夷。見前。窘束非達觀。賈誼傳。鷓鴣賦曰。途人大觀。物亡不可。又曰。愚士繫俗。窘若囚拘。莫問夜如何。詩夜如何其。醉從雞號旦。

明駝思千里。楊妃外傳。貴妃私發明駝。以瑞龍膺遺安祿山。明駝者。眼下有毛。夜明日行五百里。西陽雜俎云。古樂府木蘭篇。願馳明駝千里足。多誤作鳴駝。駝臥腹不帖地。屈足漏明則行千里。驚馬怯負荷。智度論云。今以負荷

大法者。小人蠹詩書。韓詩。古史散左右。詩書置後。前豈殊蠹書。蠹生死文字間。安樂北窗臥。國語。人生安樂。孰知其他。瓢空且乞飯。淵明有乞食詩。兒寒教補破。山谷寫襖襖歌。其略

云。補破遮寒過一生。機巧生五兵。五兵見前注。杜詩。所歷見機巧。百拙可用過。傳燈錄。宣州柏嚴明哲禪師傳。藥山云。跛跛挈挈。百醜千拙。且怎麼過時。

倉後酒正廳昔唐林夫謫官所作十一月己卯余納秋租隔牆蓉芙盛開元豐五年十一月己卯乃初二日

攀檻朱雲頭未白朱雲請尙方斬馬劍斬張禹上大怒御史將雲下雲攀殿檻檻折見本傳不知流落向何州空餘前日學書地小閣紅葉取意秋元注

云林夫喜

作隸字

吉老受秋租輒成長句吉老太和丞也後篇云播糠眯眼丞良苦

黃花事了綠叢霜黃花事了蓋做退之桃李事已退也蟋蟀催寒夜夜牀詩十月蟋蟀入我牀下阮嗣宗詩開秋兆涼氣蟋蟀鳴牀愛日摺收如盜至漢食貨志力耕數耘收獲

如寇盜之至失時鞭扑奈民瘡田夫田婦肩頰擔退之聯句刈熟擔肩頰江北江南稼滌場幽風云十月納禾稼又云十日滌場毛云滌掃也場功畢人也少忍飛

糠眯君眼要令私廩上公倉莊子天運篇播糠眯目則天地四方易位矣

再次韻和吉老

今日僕姑晴自語僕姑見前注愁陰前日雪鋪牀三冬一雨禾頭溼朝野僉載云秋雨甲子禾頭生耳百斛幾痕牛領瘡白樂天官牛詩云官牛罵

官車。流水岸邊般載沙。載向五門官道西。綠槐陰下鋪沙堤。馬蹄踏沙。民欲與翁歸作臘。漢嚴延年傳。延年母從東海來。欲從延年。雖淨潔。牛領牽車。欲流血。但能濟人。治國調陰陽。官牛領穿亦無妨。

為臘祭。因會飲。公方無事可開場。相勸凍坐真成惡。愧我偷閒飽太倉。太倉見前注。

招吉老子範觀梅花。子範姓李名觀。袁州人。元豐二年。特奏推恩為太和尉。

播糠眯眼丞良苦。鳴鼓連村尉始歸。後魏李崇徒兗州刺史。兗土舊多劫盜。崇命村置一樓。樓皆懸鼓。盜發處之亂擊之。聲布百里。皆發人守險。由是盜發無不獲。諸州皆效之。及取江梅來

一醉明朝花作玉塵飛。玉塵。眯目見前注。何遜雪詩。若逐微風起。誰言非玉塵。此言梅片飛也。

子範徼巡諸鄉捕逐羣盜幾盡。輒作長句勞苦行李

白髮尉曹能挽弓。老杜前出塞云。挽弓當挽強。用箭當用長。著鞭跨馬欲生風。乃兄本是文章伯。杜詩。每語見許文章伯。子範之兄李觀。字夢符。為清江尉。嘗為太守。作祭歐陽公母

夫人文曰。昔孟軻亞聖母之教也。今有子如。此老真成嬰鑿翁。馬援傳。嬰鑿。是翁也。枹鼓諸村宵警報。漢張敞傳云。枹鼓。稀鳴。市無偷盜。牛羊幾

處暮牢空。得公萬戶開門臥。漢汲黯傳。上曰。吾徒得君重。唐魏徵傳。外戶不閉。行旅不齋糧。看取三年治最功。魏梁集為并州刺史。政治為天下稱最。

送徐隱父宰餘干二首。餘干隸饒州山谷真蹟。本地方百里。古諸侯。嘯笑陰晴。民具瞻。寒霜改冰霜。又改冷霜。皆廉改爭廉。第五句。樽前桃李親朋友。注云。改此次篇。瑞世改下瑞。同生改同兒。

地方百里身南面

論語雍也可使南面孟  
子地方百里而可以王

翻手冷霜覆手炎

漢陸賈謂尉佗曰越殺王降漢如反  
覆手耳老杜詩翻手作雲覆手雨

贅婿得牛庭少訟

賈誼

傳家貧子壯則出贅。齊唐書張允濟傳。大業中爲武陽令。元武縣鄰接。人有以牸牛依其婦家者。八九年。牛孳生十餘頭。及將異居。婦家不與。累政不能決。其人詣武陽質于允濟。允濟令左右縛牛主。以形蒙其頭。將至村中。云捕盜牛賊。召村中牛悉集。問所從來。妻家不知其故。指其所訴牛曰。此女婿家牛也。非我所知。允濟發蒙曰。此卽女婿以牛歸之。妻家叩頭伏罪。

長官齋馬吏爭廉

舊唐書馮元淑傳。則天時。歷浚儀。始平。二縣令。未嘗以妻子之官。所乘馬。午後不與芻。云令其作齋身及奴僕。日一食而已。僧

道舉詩。豈無齋馬馮元淑。邑中丞掾陰桃李。李白詩。舉邑樹桃李。李垂陰亦流芳。案上文書略米鹽。米鹽見前注。治狀要須聞豈弟。詩。豈弟君子。民之父母。此行端

爲霽威嚴

漢魏相傳。爲霽威嚴。

天上麒麟來下瑞

南史徐陵傳。陵年數歲。釋寶誌摩其頂曰。天上石麒麟也。杜牧之詩。天上麒麟時一下。韓詩董生行。生祥下瑞無時期。

江南橘柚閒生賢

禹貢。淮海惟揚州。厥包橘柚。錫貢楚辭。后皇嘉樹。橘

來服兮。受命不遷。生南國兮。王逸注。橘柚受命于江南。不可移徙。種子北地。則變而爲枳。

玉臺書在猶騷雅

玉臺新詠。徐陵所編也。

孺子亭荒只草煙

見前注。

半世功名初墨綬

後漢志。千石六百石墨綬。

同兄文字直青錢

唐張昺傳。祖鷲字文成。員半千稱鷲文。詞猶青銅錢。萬選萬中時號青錢學士。

割雞不合庖丁手

論語。割雞焉用牛刀。

家傳風流更著鞭

晉祖逖傳。先我著鞭。家傳言其家世也。詩中皆用徐姓事。

晉祖逖傳。先我著鞭。家傳言其家世也。詩中皆用徐姓事。

晉祖逖傳。先我著鞭。家傳言其家世也。詩中皆用徐姓事。

# 山谷外集詩注卷十二

次韻君庸寓慈雲寺待詔惠錢不至

主簿看梅落雪中。閨人應賦首飛蓬。

詩伯兮自伯之東首如飛蓬。

問安兒女音書少。

禮記文王世子問內豎之御者曰。今日安否。何如。孟郊詩歸書但問安。

破笑壺

鶻夢寐同。

歸去來辭引靈鶻以自酌。文選劉越石詩序云。破涕為笑。排終身之積憤。求數刻之暫歡。

馬祖峯前青未了。鬱孤臺下水如空。

馬祖峯在太和。鬱孤臺在虔州。見和李才甫登快閣發轅

州寄余洪範詩。杜

江山信美思歸去。

文選登樓賦。雖信美非吾土兮。曾何足以少留。

聽我勞歌亦欲東。

文選謝叔源詩。悟彼蟋蟀唱。信此勞者歌。注引韓詩曰。朋友之道缺。勞者歌其事。漢書高祖曰。

吾亦欲

東耳。

## 次韻奉答存道主簿

主簿朝衣如敗荷。高懷千尺上松蘿。

小雅。薦與女蘿。施于松柏。毛云。薦寄生也。女蘿兔絲松蘿也。

旅人爭席方歸去。

莊子寓言篇。其往也。舍者避席。其反也。舍者與之爭席矣。秋

水黏天不自多。

莊子秋水篇。吾未嘗以此自多。退之祭文。洞庭汗漫粘天無壁。

學到會時忘粲可。

僧粲。惠可。傳燈錄皆有傳。杜詩。余亦師粲。可身猶縛禪寂。或謂王粲。可朋二人能詩。

詩留別後見

羊何羊璠何長瑜與謝靈運荀雍為四友文選謝靈運詩序云登臨海嶠初發疆中作與惠連見羊何共和之李白詩別後遙傳滄海作可見羊何共和之向來四海習鑿齒今日期君不啻過四海習鑿

齒彌天釋道安見晉書習鑿齒傳此用主簿事杜詩方駕曹劉不啻過

從時中乞蒲團纂異蜀本作謝時中送蒲團云織蒲投我最宜寒正欲陰風雪作團方竹火爐跌坐穩何如矍鑠征鞍與今本句多不同詳詩意是謝送蒲團今本題作從時中乞蒲團疑有誤

撲屋陰風雪作團織蒲投我最宜寒君當自致青雲上見前快取金狻覆馬鞍國朝侍從皆跨狻鞍

奉送時中攝東曹獄掾時中蓋太和同官入城攝事故有府中奪我同官良之句又云蒼崖按轡昨日歸怨是代子範為尉

公退蒲團坐後亭詩自公退食白樂天詩清旦方堆案黃昏始退公傳燈錄龍牙禪師師在翠微時問如何是祖師意翠微曰與我過禪板來又問臨濟如何是祖師意臨濟曰與我過蒲團來短日松風吟萬籟

莊子齊物篇汝聞地籟而未聞天籟李白詩一風鼓罩有萬籟各自鳴黃葵紫菊委榛叢雪梅靚妝欲無對上林賦靚妝刻飾顏延年曲水詩序靚妝藻野袂服縹川世說習鑿齒曰樂令無對于晉世遣

騎相呼近酒樽遺騎見前注言君曉鼓前征旆蒼崖按轡虎豹號周亞夫傳天子週按轡徐行野水呼船風雨晦詩風雨如晦昨日歸

來有行色莊子盜跖篇車馬有行色未曾從容解冠帶府中奪我同官良老杜送長孫侍御赴武威判官云奪我同官良飄飄按城堡簡書趣行將數輩詩豈不懷

歸畏此。王事君今困馬鞍。田園我亦思牛背。牛背見前注。又唐陸羽傳。又使牧牛。羽潛以竹畫牛背爲字。安得歸舟載月明。滿船空載月明歸。船子和尙偈也。鷓鴣

白鷗爲友生。詩雖有兄弟。不如友生。一身不是百年物。五湖無邊萬里行。欲招養笠同雲水。念君未可及吾盟。春秋公及春儀父盟。

于蔑。孟子凡我同盟之人。既盟之後。言歸于好。富于春秋貌突兀。西漢書帝富春秋。又云富于春秋。杜詩夜深殿突兀。睥睨滿世收功名。睥睨視也。左傳子產授兵登陣。注陣城上睥睨也。好功名者。睥睨一世。城上短

垣。亦于此睨。參軍雖卑獄司命。多由陰德至公卿。于定國傳。我治獄多陰德。鎮頤折額秦相國。揚雄解嘲云。秦釋山東之匹夫。鎮頤折額。注鎮曲也。晉職官志。丞相相國。

並秦。不滿三尺齊晏嬰。史記晏嬰傳。晏子長不滿六尺。身相齊國。名顯諸侯。丈夫身在形骸外。莊子德充符篇。索我于形骸之外。俗眼那能致重輕。

奉答茂衡惠紙長句。年譜。羅茂衡。太和人。

陽山老藤截玉肪。山之南曰陽。文選。魏文帝論玉瑛書云。白如截肪。唐舒元與弔刻藤文。刻溪上多古藤。溪中多紙工。斬伐無時。通俗文曰。肪在腰間曰肪。王逸正部論曰。或問玉符曰。白如豬肪。烏田翠竹避寒光。

蘇易簡紙譜。今江浙間。有以嫩竹爲紙者。作密書。隨手裂。烏田地名。羅侯包贈室生白。莊子。虛室生白。明于機上之流黃。樂府詩。長安有狹邪行。大婦織綺羅。中婦織流黃。又文選別賦注。間色有五。紺。紅。縹。紫。流黃。又

注。流黃。素名。張載詩。佳人贈。愧無征南蠶尾手。法書要錄。載宋羊欣。古來能書人名云。燉煌索靖。張芝。姊之孫。晉征南司馬。亦善草書。又載王僧虔論書云。索氏自謂其書具銀鈎蠶尾。晉書不言曾爲征南司馬。又王

巖之嘗爲爲寫黃門急就章。急就章漢黃。羅侯相見無雜語。陶詩相見無雜言但道桑麻長。苦問瀉山有無句。春草肥牛脫鼻繩。

瀉山露地白牛石靈禪師牧牛入菰蒲野鴨還飛去。傳燈錄百丈與馬祖遊山見野鴨子祖問曰是甚麼丈曰野鴨子又曰甚麼處丈曰飛過去祖遂引手摘丈面鼻丈作痛聲祖曰何曾飛過去丈于是大悟

山谷嘗草書一偈云野鴨子知何許馬祖見來相共語。故將藤面乞伽陀。梵語伽陀此言諷誦楞嚴經祕密伽陀微妙章句。願草驚蛇起風雨。法書要錄王羲之自敘草書勢云疾若驚蛇之失道遲若緣水之徘徊懷素草書如飛鳥出林驚蛇入草

長詩脫紙落秋河。要知溪工下手處。溪多紙工見前注。却將冰幅展似君。震旦花

開第一祖。梵語震旦此云漢地第一祖謂迦葉也二十八傳而至達磨達磨天竺國人告尊者曰我既得法當往何國而作佛事尊者曰待吾滅後當往震旦後寓在嵩山少林寺以法傳慧可告之曰昔如來以正法眼付迦葉大士展轉囑付累而至於我

今付汝聽吾偈曰吾本來茲土傳法救迷情。一花開五葉結果自然成。證道歌曰第一過葉者傳燈二十八代西天記入此土菩提達磨爲初祖。

雜言贈羅茂衡

嗟來茂衡。莊子嗟來桑戶乎。學道如登。孟子道則高矣美矣宜若登天然似不可及也國語云從善如登從惡如崩。欲與天地爲友。欲與日月並行。萬物崢嶸本

由心生。去子之取舍與愛憎。莊子去子之態色與淫志。惟人自縛。非天黥。傳燈錄僧璨傳有沙彌禮師曰乞與解脫法門師曰誰縛汝又曰律師持律自縛莊子天刑之安可解又曰庸詎知造物之不



息我黥而莊子墮汝形體吐爾聰明。墮子筋骨又云忘汝神氣墮汝形骸。堂堂法窟九邱四溟齊序曰九州之志謂之九邱邱聚也左傳曰楚左史倚相能讀三墳五典八索九邱四溟見前注。同一

眼精不改五官之用而透聲色荀子天論聳耳目鼻口形能各有接而不相能也夫是之謂天官心居中虛以治五官夫是之謂天君。常爲萬物之宰而無死生念子

坐幽室爐香思青冥是謂蟄蟲欲作吾驚之以雷霆莊子天運篇蟄蟲始作吾驚之以雷霆

### 寄晁元忠十首

國工裁白璧考工記輸入曰可規可萬謂之國工。巧冶鑄干將聖主得賢臣頌云巧冶鑄干將之璞吳越春秋云干將者吳人也能爲劍作二枚一曰干將二曰莫耶莫耶干將之妻也。成爲萬乘器貫日

吐寒光漢鄒陽傳云荆軻慾燕丹之義白虹貫日又云輻木根柢而爲萬乘器。其誰湔拂汝文選絕交論剪拂使其長鳴注云與簡被同。歲月海生桑神仙傳云王遠字方平過蔡經家麻姑亦至麻姑自說接待以

來見東海史記閻相如傳趙得和氏璧秦願以十五城請易璧。苔生百鍊剛文選劉越石詩何意百鍊剛化爲繞指柔

子雲賦逐貧揚雄逐貧賦見前注。退之文送窮退之此文蒼擬逐貧而筆力遠過之。二作雖類俳漢枚乘傳其孽子臯詠笑類俳倡又云臯賦詞中自言爲賦不如相如又言爲賦迺俳見視如倡自悔類倡也

頗見壯士胸。晁子問行津論語佛子路問津焉。欲濟無山窮左傳楚子圍蕭潛無社號申叔展叔展曰有麥鞠乎曰無有山鞠窮乎曰無河魚腹疾奈何注云麥鞠鞠窮所以禦濕欲使無社逃泥水中鞠音穹

子虛賦曰。著書蓬蒿底。端有古人風。古人風見前注。文選雜擬詩。顧念張仲蔚。蓬蒿滿中園。注引三輔決錄云。張仲蔚隱身不仕。明天官博物。所居蓬蒿沒人。

沙擁大江水。韓信傳。龍且與信夾濰水陳。信乃夜令人爲萬餘囊。盛沙以壅水上流。引兵半度。擊龍且。陽不勝。還走龍且。追度水。信使決壅。囊水大至。龍且軍大半不得度。即急擊殺龍且。泥封函谷關。隗囂傳。囂將王元說囂曰。元請

以一丸泥爲大王封函谷關。此萬世一時也。李白詩。長才猶可倚。不慚世上雄。古來世上雄。公羊春秋。秦伯謂蹇叔曰。若魯儒守一經。亦有澗谷

槃。漢章賢傳。遺子黃金滿。贏不如一經。賢號稱鄒魯大儒。詩考槃在澗。何事窮愁極。江南庾子山。史記虞卿傳。卿非窮愁。亦不能著書。以自見于後世云。庾信字子山。作哀江南賦。後周書具載其詞。

河清無人待。左傳。俟河之清。人壽幾何。蘭芳無人采。退之琴操云。關之猗猗。揚揚其香。不採而佩于闕何傷。山空露團團。詩。零露團團。今團作薄。葛蔓石磊磊。楚辭。石磊磊。分葛蔓蔓。世

有傾國媒。一笑珠百琲。西漢李延年歌。北方有佳人。絕世而獨立。一顧傾人城。再顧傾人國。韓詩誰爲傾國媒。自許連城價。吳都賦。金溢珠琲。注金二十四兩爲溢。珠十貫爲一琲。往時禰處士。顛倒孔

北海。見後漢禰衡傳。杜詩。處士禰衡俊。諸生原憲賢。

楚宮細腰死。長安眉半額。馬援傳。子廖上疏長樂宮云。傳曰。吳王好劍客。百姓多創瘢。楚王好細腰。宮中多餓死。長安語曰。城中好高髻。四方高一尺。城中好廣眉。四方且半額。城中好大袖。四方全匹帛。斯言如戲。有切事實。比

來翰墨場。文選謝宣遠詩。燦爛多此色。揚子法言。女有色。書亦有色。子曰。文章本心術。萬古無轍迹。老子善行章。吾嘗期斯人。隱若

一敵國。漢劇孟傳。大將軍得之。若一敵國云。後漢吳漢傳。帝歎曰。吳公差強人意。隱若一敵國矣。

北書來無期。鴈不到梅嶺。杜詩。短日行梅嶺。蓋謂大庾嶺上梅也。衡山有回鴈峯。柳子厚過衡山詩云。正是峯前迴鴈時。欲之雙鯉魚。之字誤。遺我雙鯉魚見前注。楓葉江路永。平

生中心願。褊短不獲聘。富貴安可爲。吾亦有岑鼎。韓非子云。齊伐魯。索讎鼎。魯以其鴈往。齊人曰。鴈也。魯人曰。眞也。齊人曰。使樂正子春來。吾將聽子。魯君請樂正子春。子春曰。胡不以其眞往。

君曰。吾愛之。答曰。臣亦愛臣之信。又按新序云。齊攻魯。求岑鼎。魯載鼎往。齊不信而反之。使人告魯君。柳下惠以爲是。則請受之。魯君請于下惠。對曰。君之欲以爲岑鼎也。以免國也。臣亦有國于此。破臣之國。以免君之國。此臣所難也。魯君乃以眞岑鼎往。柳下惠可謂守信矣。信之于人重矣。言不可以富貴而易其素守也。

濟岱有佳人。北方有佳人見前注。肌膚若冰雪。莊子逍遙篇。藐姑射之山。有神人焉。肌膚若冰雪。淖約若處子。我願從之遊。補我黥與劓。莊子見前注。子不解人噴。

眞成一癡絕。晉顧愷之。俗傳愷之有三絕。才絕。畫絕。癡絕。樸社定頽然。聊用神吾拙。見前注。

山公懷涇渭。濬冲遭鑒賞。晉山濤傳。濤所奏甄拔人物。各爲題目。時稱山公啓事。王戎傳。戎有人論鑒識。常曰。山濤如潭金。璞玉人皆飲其寶。莫知名其器。弟敦有高名。戎惡之。後果逆亂。其鑒賞先見如此。濬冲戎字也。代豈

無若人。吹噓青雲上。韓詩。青冥送吹噓。強箭射魯縞。李白詩。功略蓋天地。名飛青雲上。念君如濟水。抱清伏泉壤。文選。謝朓詩。濁河穰清濟。注。引戰國策。張儀說秦王曰。清濟濁河。足以爲阻。尙書注。

日濟水入河並流十數里而南大雅河酌彼行潦書作會宗彝注云宗廟彝尊莊子徐無鬼篇請只風與日相與守河而河以為未始其纒也特源而往者也行潦酌尊彝吾猶特源往

蛾眉在蒿萊衛國風蟋蟀首蛾眉以美人比君子也金玉千里音詩無金玉爾音遙思甌生塵後漢范滂傳丹字史雲閩里歌之曰甌中生塵范史雲釜中生魚范萊燕汗漫觀古今沈

冥驚人句揚子法言蜀莊沉休老杜詩語不驚人死不休摹寫詠時禽陸士衡悲哉行目感隨氣草耳悲詠時禽無為愁肝腎元稹作老杜墓誌云掘去拘束摹寫物象退之贈崔君子要剗心

立之云勸君韜養待徵招不用雕琢愁肝腎莊子天地篇君子不可以不剗心焉

臨川往長懷神交可心晤論語子在川上曰逝者如斯夫不舍晝夜此段說者不一獨景迂講義云江熙曰人非山立俛仰而過臨川與懷能不慨然山谷意恐或近此文章不經世文選應休應百一詩云文

章不經國篋篋無尺書風期南山霧見前注化蟲哦四時退之詩化蟲枯槁莖悲喜各有故吾獨無間然論語禹吾無間然矣子規勸歸去子規鳴若云不如歸

去又有次韻晁元忠十詩與此同是元豐間作

次韻晁元忠西歸十首

我田失耕耘歲暮拾枯萁枯萁不可食日晏抱長飢漢楊惲傳田彼南山蕪穰不治種一頃豆落而為糞淵明詩屢空不獲年長飢至于老猛虎夜山林眼有

百步威。司馬遷答任安書。猛虎處于山林百獸震恐。退之猛虎行正畫當谷眠。眼有百步威。

一從梁鴛食。風月何時歸。

列子云。周宣王之牧正。有役人梁鴛。能養禽獸。雖虎狼無不柔馴者。梁鴛曰。養虎之法。順之則喜。逆

之則怒。夫食虎者不敢以生物與之。爲其殺之之怒也。虎與人異。而媚養己者。

聖莫如東家。長年困行路。公養爲淹留。豈不以食故。

那原別傳曰。原遊學。諸係崧。崧曰。君捨鄭君。所謂以鄭君爲東家。且也。原曰。君謂僕以鄭爲東家。且必以僕爲西家。愚夫耶。孟子云。孔子

有見行可之仕。有際可之仕。有公養之仕。

林薄鳥遷巢。水寒魚不聚。老杜詩。林茂鳥有歸。水深魚知聚。

孤士似無家。

左傳。心苟無瑕。何恤乎無家。

轉蓬何由住。

說苑。魯哀侯。棄國而走齊。

對齊侯曰。是猶秋蓬。惡其本根。而美其枝葉。秋風一起。根且拔矣。曹子建云。轉蓬離本根。飄飄隨長風。老杜云。飄零似轉蓬。

前有熊羆咆。後有虎豹號。

文選。劉安隱招士云。虎豹鬪兮。熊羆咆。咆。杜詩。空荒咆熊羆。乳獸待人肉。

已出關谷底。更陟山阪高。五日一併食。

儒行云。儒有易衣而出。井

日而食。

十年一縵袍。

論語。衣敝縵袍。莊子載。管子居衛。縵袍無表。顏色腫。膾。手足胼。瓶。三。日不舉火。十年不製衣。兼用槽弓所云。晏子一狐裘三十年之意。

未知歸宿處。豈憚鞍馬勞。

退之病中贈張籍詩。

言籍之詞云。從此識歸處。東流水淙淙。

麗姬封人子。弄影愛朝日。

文選。舞鶴賦。疊霜毛而弄影。

晉國始得之。泣涕甘首疾。

詩。伯兮。甘心首疾。

憂危與安樂。一生誰能必。同牀

食芻豢。迺悔沾襟失。莊子曰：麗之姬，艾封人之子也。晉國之始得之也，涕泣沾襟。及其至于王所，與王同匡牀，食芻豢，而後悔其泣也。

怨句識之推。史記晉世家：文公賞從亡者，介子推不言祿，祿亦不及，隱不復見。子推從者，懸書宮門曰：龍欲上天，五蛇爲輔。龍已升雲，四蛇各入其宇，一蛇獨怨，終不見處。所文公見之曰：此介子推也。商歌知甯戚。琴操曰：甯戚飯

牛車下，叩牛角而商歌曰：南山粲，白石爛，生不逢堯與舜禪。我占晁氏賢，乃在賦行役。詩：父曰嗟，子子行役。同遊羿穀中。莊子：德充符篇云：遊于羿

之數，儻免非爾力。孟子：其中非爾力也。滔滔今如此，去邦將安適。論語：滔滔者天下皆是也，兼用陳文子違之至他邦之意。退之古風云：一邑之水可走而遠，天下湯湯，曷其而歸。

熱避惡木陰，渴辭盜泉水。尸子：孔子過于盜泉，渴無不飲，惡其名也，說苑：孔子忍渴于盜泉，曾參回車于勝母，文選：陸士衡詩：渴不飲盜泉水，熱不息惡木陰，惡木豈無枝，志士多苦心。會回勝母車。鄒陽書：里

名勝母，曾子不入邑。鄒陽書：玉人獻寶，楚王誅之。注云：卞和抱其璞，哭于郊，太白詩：抱玉入楚國。晁氏猛虎行。古有猛虎行，飢不從猛虎食，老杜詩：烈士惡荀能，俊傑思自致，贈子猛虎行，出郊載

酸，傲傲壯士意，人生高唐觀。高唐之觀，見文選：顏延年詩：有懷誰能已，元注云：晁詩云：安得鼻，文選：宋玉賦：龍山潮，駕回實河水，水從樓前來，中有美人淚。

腰垂九井璜。尚書中候曰：呂尙釣于磻溪，得玉璜云云，見文選注：山谷琴銘云：釣魚而得九井之璜，蓋兼用山海經事。經云：海內崑崙墟，在西北，帝之下都，高九仞，有九井，以玉爲檻。耳著明月璫。文選：洛神賦：贈江

珠曰：蘭蓀結襟帶。沈休文和謝宣城詩：昔賢倅時雨，今守覆蘭蓀。菱荷製衣裳。離騷經：製菱荷以爲衣，今集芙蓉以爲裳。其人雖甚遠，其室大道傍。鄭國風：其室則遐，其人甚遠，古語：築

室道旁三。當身不著意。千載永相望。太白詩。遮莫親姻連帝城。不如當年不成。當身自饗。當字作去聲讀。

風雨去家行。手龜面鰲黑。

莊子。宋人有善不龜手之藥者。韓非子。晉文公反國及河。令蘆豆捐之。席蓐捐之手足胼胝。面目鰲黑者。後之列子。年老力弱。面目鰲黑。杜詩。會面嗟鰲黑。

屠龍非世資。

屠龍見前。

注。學問求自得。孟子。君子深造之以道。欲其自得之也。

我思脊令詩。同飛復同息。兄弟無相遠。急難要羽翼。

小雅常棣云。脊令在原。兄弟急難。角弓云。兄弟昏姻。

無胥遠矣。唐明皇賜讓皇帝兄弟天生之羽翼。

人言貧在家。殊勝富作客。

樂天詩。始知爲客苦。不及在家貧。唐戎昱詩。遠客歸去來。在家貧亦好。又在家貧亦好。殊勝富作客。

雞棲牛羊下。

見前。

君子亦安息。千里求明

師。羸糧從事役。

莊子。胠篋篇。延頸舉踵曰。某所有賢者。羸糧而趣之。庚桑楚驚。南榮趺羸糧。七日七夜。至老子之所。退之南溪始泛云。誰謂非事役。

學問非物外。室虛生純白。

虛室生白。見前。杜詩。興殘虛。

白室。前集贈柳展如詩。八方去求道。渺渺困多蹊。歸來坐虛室。夕陽在吾西。與此同意。蓋謂道在邇而求諸遠矣。

開田望食麥。春隴無秀色。

王僧達詩。麥隴多秀色。楊閩流好音。

深耕不償勤。牛耳徒濕濕。

小雅爾牛來思其耳濕濕。

豐凶誰主張。坐令愁煎迫。河

清會有時。

河清見前注。

得酒灑胸臆。

集中有答吳元忠書云。未識足下之面。因昆弟得足下之詩。與託深遠。不犯世故之鋒。永懷善怨。鬱然類騷。故追韻寫意于無能之詞。又云。南來拘窘吏事。雖江山映發。心不在焉。又云。十詩仰報。

盛意又云承去歲不利秋官可見詩中之意矣其言南來拘窘更事可見在太和作追韻寫意即此詩十詩仰報盛意乃前十詩

食筍十韻

前集上子瞻書云聞燕坐東坡心醉六經又云比以職事在山中食筍得小詩輒上寄一笑旁州士大夫和詩時有佳句要自不滿意莫如公待我厚願為落筆思得申紙疾讓如老杜所謂一洗萬古凡馬空者據東坡集和篇乃

將去黃州時作山谷至太和蓋元豐四年春庚申歲七年甲子歲春移監德平鎮東坡亦以七年春移汝州此詩當是六年作

洛下斑竹筍花時歷鮭菜庚耶贊食鮭已見前注杜詩云自愧無鮭菜一束酬千金掉頭不肯賣杜詩巢父掉頭不肯住我來白

下聚此族富庖宰退之鬪雞聯句蕪粟戴地翻穀觶觸牆壞退之詠筍云見角牛羊沒又云穰穰疑翻地天地之牛角蕪粟見禮記穀觶見孟子觶觶入中廚詩

羊來思為如償食竹債楞嚴經云身為畜生酬其宿債詩意謂牛羊食竹及死為筍為人所食若償債然又用傳燈錄死為菌令人食之之意按第十五祖那提婆傳尊者既得法後至毗羅國有長者園樹生大耳如菌味甚美惟長者與第二子羅喉羅取而食之盡而復生餘皆不得見時尊者知其宿因長者問其故尊者曰汝家昔供養一比邱然此比邱道眼未明以虛信信施故報其木菌惟汝與子得以享之甘藟和菌耳藟謂醉菜也生大耳如菌見上句注辛膳膈

薑芥左傳宣三年使宰夫膾熊蹯烹鵝雜股掌炮蟹亂裙介江南別錄云僧謙明好詩酒烈祖問其所求曰惟願鵝生四个腿小兒哇不

美孟子出而哇之注莊子鼠壤有餘蔬鼠壤有餘嘔孟子蚺蛇蝸蝻之可貴生于少古來食共噫記不敬尙想高將軍五溪無人采明皇



雜錄高力士謫黔州山谷多薺而人不食力士作詩曰  
兩京作斤賣五溪無人采夷夏雖有殊氣味都不改

蕭巽葛敏修二學子和予食筍詩次韻答之二首

吳氏漫錄云山谷南還至南華竹軒令侍史誦詩板戒勿言姓名  
誦一絕句云不用山僧供帳迎世間無此竹風清獨拳一手支頤

臥偷眼看雲生未生徐視姓名曰果吾學子  
葛敏修也此篇言二妙各能詩端不濫語

北饌厭羊酪南庖豐筍菜

退之詩我來禦魃  
魅自宜味南烹

自北初落南

退之南海神碑人士  
之落南不能歸者

幾爲兒所賣

史記越世家陶朱公中男殺  
人事莊生蓋爲兒子所賣

習知價廉平

史記吳起傳起廉平  
能得士心此摘其字

百態事烹宰鹽晞枯腊瘦密漬真味壞就根煨苗美

苗出也見前  
春菜詩注

豈念炮烙債

史記周紀西伯請  
紂去炮烙之刑

咀吞千畝餘

退之南食詩咀吞面汗駢  
史記貨殖傳渭川千畝竹

胸次不蠶芥

子虛賦其子胸  
中曾不蠶芥

二妙各能詩

晉衛瓘菜譜俱善草  
書人號爲一壘二妙

名動江介

楚辭長江介之遺風魏都賦與江介  
之湫澗注云韓詩章句曰介界也

詩論多佳句膾炙甘我嘬

孟子膾炙與羊棗孰美言其詩膾炙人  
口也曲禮毋嘬炙注嘬謂一舉盡嚙

因君思

養竹萬籟聽秋噫

莊子齊物篇汝聞地籟而未聞  
天籟又云大塊噫氣其名爲風

從此繕藩籬下令禁漁采

韭黃照春盤

歐陽行周有春盤賦杜  
詩春日春盤細生菜

菰白媚秋菜

本草菰根蔣草也江南人呼  
爲茭草圖經云又謂之茭白

惟此蒼竹苗市上三時賣江南家家

竹。翦伐誰主宰。

詩。勿翦勿伐。

半以苦見疎。不言甘易壞。

表記云。君子之接如水。小人之接如醴。君子淡以成。小人甘以壞。莊子。山木篇。君子之交淡如水。小人之交甘若醴。君子淡以親。小人甘以絕。

陂雕龍睡。未索兒孫債。

後漢費長房傳。長房辭歸。翁與一竹杖曰。騎此任所之。則自至矣。既至。可以杖投葛陂中也。長房。獺膽。乘杖須臾來歸。即以杖陂。陂視則龍也。莊子。千金之珠。必在黠龍領下。子能得之。必遺其睡也。

能分杯。虎魄妙拾芥。

本草序例云。虎嘯風生。龍吟雲起。磁石引針。虎魄拾芥。漆得蟹而散。麻得漆而湧。桂得葱而軟。樹得桂而枯。戎鹽累卵。獺膽分杯。其氣爽有相關感者。多如此類。三國志。虞翻年十二。客有過其兄。不過。翻追與書曰。虎珀不

取腐芥。磁石不受曲針。過而不存。不亦宜乎。客得書奇之。

漢食貨志。詔曰。夫鹽食肴之將。

思入帝鼎烹。忍遭飢涎喂。懶林供翰墨。礎杵

風號噫。每下歎枯株。焚如落樵采。

懶林疑字誤。詩意謂其始也。思入大烹。以享上帝之鼎。其次爲筆。以供翰墨。最下。枯槁而爲樵夫所采。頗含箴規之意。焚如見易離卦。每下愈况。見莊子知北遊篇。

胡朝請見和復次韻

人笑庾郎貧。滿胸飯寒菜。

見前

春盤食指動。

左傳。子公之食指動。曰。他日我如此。必嘗異味。

筍苗入市賣。回首萬錢廚。不羨廊廟宰。

日食萬錢

見前注。文選李陵答蘇武書。聞子之歸。無尺土之封。而親戚貪佞之類。悉爲廊廟宰。

民生暫神奇。

見前

胞雋伐性壞。

枚叔七發云。皓齒蛾眉。命曰伐性之斧。甘脆肥饜。命曰腐腸之藥。蓋取呂氏春秋。靡曼皓齒。命曰伐性之斧。肥

肉厚酒命曰爛腸之食。雋永謂肥肉胞。當作肥。又疑是直字。東方朔傳。館陶公主胞人師古曰。胞與庖同。

忍持芭蕉身。

見前

多負牛羊債。

楞嚴經云。以人食羊。羊死爲人。人死爲羊。死死生生。互來相瞰。汝負我命。我選汝債。

龍不稱冤。盧全奇男抱孫詩云。竹林吾愛惜。新荷好看守。萬籜包龍兒。攢迸溢林蔽。又云。籜龍正稱冤。莫殺入汝口。丁寧囑託汝。汝活籜龍否。易致等拾芥。夏侯勝傳。如俯拾地芥。蕭蕭煙雨姿。壯士持

戈介。杜牧之晚晴賦。竹林外裏兮。十萬丈夫。甲刃縱橫。密陣環侍。駢頭沸鼎鼎。易。貫魚以宮人龍。注云。貫魚。謂五陰駢頭。相次似貫魚也。退之又魚詩。駢首類同條。可口垂涎嘍。莊子云。其味相反。而

糲車口流涎。霜叢負後凋。玉食香餘噫。書。惟辟玉食。晉王濬。玉食餽服。續詩無全功。列子。天地無全功。聖人無全能。葑菲儻可采。詩。采葑采菲。

立春

韭苗香煮餅。崔寔四民月令。曰。立秋者食煮餅。野老不知春。看鏡道如咫。倚樓梅照人。杜詩。勳業頻看鏡。行藏獨倚樓。退之春雪問。早梅詩。寒光助照人。趙嘏詩。長笛一聲人倚樓。

寄舒申之戶曹。年譜。舒申之名卷。

吉州司戶官雖小。曾屈詩人杜審言。唐杜審言傳。恃才高以傲世見疾。嘗語人曰。吾文章當得屈宋作衙。宜遷洛陽丞。坐事貶吉州司戶參軍。審言生子閑。閑生甫。字子美。今日宣城讀書

客。還趨手板傍轅門。趨手板。見前注。項羽傳。羽見諸侯將入轅門。膝行而前。江山依舊歲時改。桃李欲開煙雨昏。公退但呼紅袖飲。詩。自公退食。

剩傳歌曲教新翻。元稹。連昌宮詞。偷得新翻數般曲。劉禹錫。楊柳枝詞。聽唱新翻楊柳枝。

次韻杜仲觀二絕

鳥啼花動却春寒。雨壓青旗卷畫干。多事今年廢詩酒。煩君傳語問平安。用李衛公報竹平安。借取其字。

重簾複幕和風雨。無奈催沽鳥喚人。鳥名提壺。虛見前注。只是樽前欠狂客。舞娃冰雪酒磷磷。退之詩。黃簾綠幕朱戶閉。唐賀知章自號四明狂客。莊子

云肌膚若冰雪。詩。揚之水。白石鄰鄰。注。清激也。鄰亦作磷。

再次韻

短舞朱裙愜醉看。陶岳零陵記。長沙王發。于上前自爲短舞。人笑其拙。惜公官守隔江干。遙憐得句無人賞。走馬城東覓道安。習鑿齒傳。時有桑門釋道

安。俊辯有高才。與鑿齒初相見。道安曰。彌天釋道安。當謂遊寺。

詩家二杜。嘗言及甫。見仍雲。仍雲見爾雅。佳句風流照映人。青眼向來同醉醒。白頭相望不緇磷。論語。磨而不磷。涅而不緇。吐詩。但取不緇磷。

社日奉寄君庸主簿。何君庸爲太和簿。

花發社公雨。社公見前注。陰寒殊未開。初聞燕子語。似報玉人來。元稹作張君傳。崔氏詩曰。待月西廂下。迎風戶半開。拂幃花影動。疑是玉人來。遮眼便書冊。傳

錄。僧問藥山。爲什麼。挑糞欺酒杯。李氏談錄。李相濟。小字社公。爲兵部時。文公昉爲翰林學士。月給內醢。兵部因春社寄昉詩云。社看經師日。只圖遮眼。

客飲治雙聊。傳聲習主簿。勤爲撥春醅。晉習鑿齒傳。爲桓溫西曹主簿。溫曰。三十年看儒書。不如一詣習主簿。太白詩。恰似蒲萄新撥醅。

### 觀王主簿家醅醲

肌膚冰雪薰沈水。肌膚冰雪。白居易詩。綠水紅蓮柔朵開。千花百草無顏色。楊文公談苑。稱鄭文寶詩。百草千花路。斜風細雨天。露溼何郎軾湯餅。語林曰。何

平叔美姿儀。而絕白。魏文帝疑其著粉。夏月與熱湯餅。既喫。大汗出。隨以朱衣自拭。色轉皎然。平叔何晏也。魏初尙主。日烘荀令炷爐香。襄陽記。劉季和性愛香。常如廬。輒過香爐上。主簿張坦曰。人名公作俗人。不虛也。季和曰。荀令君至人

家。坐席三日香。與我如何。坦曰。醜婦效顰。見者必走。公欲坦遁走。耶。季和大笑。詩人詠花多比。風流徹骨成春酒。韓持國詩。只恐春歸有餘恨。典刑原

在酒。夢寐宜人入枕囊。世說。有以茶糜花作枕囊。前集醅醲詩。名字因壺酒。風流付枕幃。與此句意同。輸與能詩王主簿。瑤臺影裏據胡牀。晉王徽之泊舟清溪。側桓伊于岸上過。謂

伊曰。聞君善吹曲。爲我一奏。伊據胡牀。爲作三調弄。

### 醅醲

漢宮嬌額半塗黃。後漢馬廖傳。城中好廣眉。四方且半額。幽怪錄。橘中四老。一叟曰。君輸我智瓊。顏黃十二枚。王介甫梅花詩。漢宮嬌額半塗黃。粉色淺寒透薄妝。詩句偶同。附載于此。入骨濃薰買女香。晉賈

母買午充少女也。吏韓壽與女通，家中莫知。時西域貢奇香，一著人則經月不歇。帝以賜充，女密盜以遺壽。充察屬與壽燕處，聞其芬馥，稱之。充云云。日色漸遲，風力細，倚欄偷舞白霓裳。楚辭：青雲衣兮白霓裳。

裳，今借使楊太真外傳。進見日，奏霓裳羽衣曲，偷字如樂天詩。蘭偷荷令香之類。

元翁坐中見次元寄到和孔四飲王夔玉家長韻，因次韻率元翁同作寄湓城。夔玉名球，太和人。侍郎王贊之子。

雨罷山澤明，日長花柳困。老杜春光爛，因倚微風。遊絲上天衢。簡文帝春日詩：落花隨燕入，遊絲帶蝶驚。老杜落花遊絲白日靜。觀物得無悶。易：遯世无悶，酒德頌云：俯觀萬物。時

從顧曲人。周瑜傳：曲有誤，周郎顧以言周元翁。筍饌酌春醞。季子未識而想見眉目俊。新詩如鳴絃，快讀開鄙吝。後漢黃憲傳：時月之間不見黃生，則

鄙吝之萌，復存乎心。銅官魯諸生，事道三無愠。見前注。比來工五字，句法妙何遜。梁記室兼水部郎何遜字仲言，有詩集。枯槩覆吳圖。文選：博奕論云：夫一木之

稱孰與方國之封，枯槩三百，孰與萬人之將。杜牧送國基王逢云：別後竹窗風雪夜，一燈明滅覆吳圖。齊書曰：能基人琅邪王抗為第一品，吳郡褚思莊會稽夏赤松第二品。宋文帝世，羊玄保戲因製局圖，遜于帝前覆之。青簡玩秦燼。後漢吳祐傳：殺

青簡以寫書。葉暗黃鳥時。見前注。風號報花信。東皐雜錄云：江南自初春至初夏，有二十四風信。梅花風最先，楝花風最後。唐人詩曰：楝花開後風光老，梅子黃時雨意濃。晏元獻詩亦曰：二十四番花信風是也。遙仰

吟思苦，江錦割向盡。南史：江淹傳，夢一人自稱張景陽，謂曰：前以一疋錦相借，今可見還。探懷中得數尺，與之。此人大悲曰：那得割截都盡。願見丘遲曰：餘此數尺無所用，以遺君。自是淹文章贖矣。應煩王公子，又

破黃封印。宜酒以黃羅帕封之。東坡所謂。上尊日日瀉黃封是也。

再次孔四韻寄懷元翁兄弟并致問毅甫

書帙蠹魚乾。退之云。豈殊蠹書。蟲生死文字間。

爐香眠鴨困。李義山云。舞鸞鏡匣收殘黛。睡鴨香爐換夕薰。

佳人來無期。選詩。佳人殊未來。

詩句且排悶。杜詩。排悶強裁詩。

遙

知烏衣游。劉夢得金陵五題云。朱雀橋邊野草花。烏衣巷口夕陽斜。舊時王謝堂前燕。飛入尋常百姓家。蓋江左諸王多居烏衣巷。建康圖經云。在上元縣東南四里。

某局具有醞。爭道嘲不恭。漢吳王濞傳。吳太子素驕。博爭道不恭。

不落日井各。揚子云。市井相與言。

入見得侍皇太子飲博。吳太子素驕。博爭道不恭。

慶兵勞得俊。漢靈去病傳。合短兵。慶阜蘭下。師古曰。慶謂苦擊而多殺也。左傳云。得雋曰克。

頗尋文獻盟。文獻見論語。

則以財。四月明朱夏。南風解人愠。帝王世紀曰。舜彈五絃琴。歌南風曰。南風之薰兮。可以解吾民之愠兮。

與弟雲俱入洛。范陽盧志于梁中間機曰。陸遜。陸抗于君近遠機曰。如君子虛賦。盧亮志默然。

身有三尺桐。爨下得餘燼。焦尾琴。見前注。

端可張洞庭。莊子。黃帝張樂于洞庭之野。謝朓詩。洞庭張樂地。瀟湘帝

子寥闊世未信。爲我謝孔君。舉酒取快盡。世故安足存。文選。潘正叔詩。世故尙未夷。

青天飛鳥印。白樂天詩。更無尋覓處。鳥跡印空中。退之聯句云。沙篆印迴平。

蓋言鳥跡印沙。今言印青天。

山谷外集詩注 卷十二

二八三

次韻元翁從王夔玉借書

爲吏三年弄文墨。文選劉公幹詩。職事相填委。文墨粉消散。注云漢書功臣皆曰蕭何文墨。顧居臣上。草萊心徑失耕鋤。孟子今茅塞子之心矣。常思天下無雙祖。得讀人

間未見書。後漢黃香傳。京師號曰天下無雙。江夏黃童。肅宗詔香詣東觀。讀所未嘗見書。公子藏山真富有。言其藏書如老氏藏室。道家蓬萊山也。易繫辭。富有之謂大業。司馬遷與任安書。僕誠已著此書藏之名山。小

儒捫腹正空虛。退之詩。詩書勤乃有不動腹空虛。何時管鑰入吾手。爲理籤題撲蠹魚。杜詩書籤映隙。蠹魚見前注。

學元翁作女兒浦口詩

五老峯前萬頃江。見前注。女兒浦口鴛鴦雙。女兒浦。諫江州德化。驚飛何處沙上宿。夜雨釣船燈照窗。

去歲和元翁重到雙澗寺觀余兄弟題詩之篇總忘收錄病中記憶成此詩

素琴聲在時能聽。陶潛傳。蓄素琴一張。白鳥盟寒久未尋。左傳。盟可尋也。亦可寒也。眼見野僧垂雪髮。養親原不顧朱金。史記。毒政傳。嚴仲子具酒。毒政

母前奉黃金百鎰爲母壽。毒政固謝曰。家貧養親。親供養備。不敢當仲子之賜。開泉浸稻雙澗水。煨笏充盤春竹林。安得一列女傳。秋胡子之妻曰。妾採桑奉二親。不願人之金。法言曰。紆朱檀金之樂。

慶吾欲老。孟子。願受一廛而爲氓。君聽莊舄病時吟。史記。陳軫傳。軫至。秦惠王曰。子去寡人之楚。亦思寡人否。對曰。王聞夫越人莊舄乎。莊舄仕楚。執珪有頃。而病。楚王曰。寫故越之鄙細人也。今仕楚。執珪貴富矣。亦思越不對。



曰凡人之思。故在其病也。彼思越則越聲。不思越則楚聲。使人往聽之。猶越聲也。今臣雖棄逐之楚。豈能無秦聲哉。李白詩。笑吐張儀舌。愁爲莊舄吟。

次韻周法曹遊青原山寺 即周元爵

市聲故在耳。 說苑。孔子謂弟子曰。遠山千里。蟻蝓之聲。尚猶在耳。 一原謝塵埃。乳竇響鐘磬。 選詩。南鄰擊鐘磬。 翠峯麗昭回。 詩。俾彼雲漢。昭回于天。 俯看行磨蟻。

磨蟻見 前注。 車馬度城隈。水猶曹溪味。 傳燈錄。僧問清涼。如何是曹溪一滴。 山自思公開。 傳燈錄。行思禪師傳。師吉州安城人。聞曹溪法席。乃往參禮。問曰。當何所務。即不落階級。云云。祖深器之。師既得法。

住吉州青原山淨居寺。有沙彌希遷。問曰。曹溪大師。還識和尚否。師曰。汝今識吾否。曰。識。又爭能識得。師曰。衆角雖多。一麟足矣。 浮圖湧金碧。浮圖塔也。杜詩。潤聚金碧氣。文選。陸機連珠曰。金碧之崑。必辱鳳舉之使。 廣廈構瓌材。

蟬蛻三百年。 史記。屈原傳。蟬蛻于濁穢。 至今猿鳥哀。祖印平如水。 傳燈錄。初祖達磨傳。師曰。內傳法印。以契證心。外付袈裟。以定宗旨。 有句非險崖。心花照十方。 圖

經。世尊告普覺菩薩云。心花發明。照十方刹。 初不落梯階。不落階級。見此篇注。步步踏佛階。梯見傳燈錄。法融禪師傳。 我行暝託宿。夜雨滴華棖。 王仲宣詩。高會

君子堂。 並。殘僧四五輩。杜詩。野寺殘僧少。 法筵歎塵埋。石頭鱗一角。 見前注。本傳云。師付法石頭。 道價直九垓。 相如封禪書。云上暢九垓。 廬陵米貴賤。

傳與後人猜。 本傳。云僧問如何是佛法。大意師曰。廬陵米作麼價。 曉躋上方上。 上方見前注。 秋陸亂其荻。寒藤上老木。龍蛇委筋骸。 禮記。禮運云。肌膚之會。筋骸之

東。魯公大字石筆勢欲崩摧。德人曩來游。頗有嘉客陪。憶當擁旌旗。千騎相排隨。且復歌舞隨。絲竹寫煩

哇。事如飛鴻去。杜牧詩。恨如春草。多事與孤鴻去。名與南斗偕。狄仁傑傳。北斗以南一人而已。松竹吟高邱。何時更能來。顏魯公真卿。貶吉州司馬。大字當是紀遊也。回首

翠微合。爾雅。山未及上翠微。于役王事催。詩。君子于役。又云。王事靡盬。猿鶴一日雅。孔德璋北山移文云。懸帳窠兮夜鶴怨。山人去兮曉猿驚。詩意謂猿鶴既有一日之雅。再來尙可從容也。一日之雅。見漢書谷永傳。

重來尙徘徊。碑木菱字韻。下有兩句云。蓮子委箭。簾葵花仄金杯。

次韻曾都曹喜雨。都曹在郡中。不應有潔齋斬得歲之句。又集中有戲題曾處善尉廳。卽此。人亦非都曹所居。而集中又有送時中攝東曹詩。恐是時中與之對攝。

水旱國代有。左傳。僖十三年。天災流行。國家代有。人神理本通。徧零祠小大。周禮。春官。若國大旱。則帥巫而舞。零。禮記。祭法。零。祭水旱也。春秋書大雩。敢指蜺雌雄。郭璞云。雄曰虹。雌曰

蜺。五歷吾結反。南史。王筠傳。沈約製郊居賦。示筠草筠。雌蜺連。雌約。撫掌曰。僕常恐人呼爲寬。地厭焚煖極。詩。如煖如焚。天回顧盼中。蛟龍起乖臥。星斗晦澄空。雪挾雷

聲走。西京雜記。淮南王著鴻烈自言字中皆挾風霜。江翻電腳紅。龍光歸稼穡。老杜江雨詩。龍光蕙葉與多碧。點注桃花舒小紅。滴瀝在梧桐。孟浩然詩。疎雨滴梧桐。詎訟猶相

及時霖恐未豐。潔齋斬得歲。同病託諸公。

戲題曾處善尉廳二首

鷄埤啄鴈如駕鵝

詩雞栖于埤子虛賦弋白鶴連駕鵝揚雄反騷豈駕鵝之能捷

萬里天衢且一波宮錦絡衫弓石八與人同狀不同科

論語爲力不同

科

右超然臺

石茨中安一牀寂

退之送張道士云臣有膽與氣不能死茅茨維摩經維摩詰卽以神力空其室內唯置一牀以疾而臥

天女原非世間色道人今日八關齋

南史袁粲傳宋孝武

卽位選侍中文帝諱曰羣臣並于中興寺八關齋中食竟粲別與黃門郎張淹更進魚肉食何尙之密以白孝武並免官南史又云吳興有項羽神太守到必須祀以輒下午李安人不與又于廳上設八關齋俄而牛死道人山谷自謂也按釋氏書戒有八一不殺二不偷盜三不邪嬾四不妄語五不飲酒六不坐高廣大牀七不著花鬘瓔珞不用香油塗身薰衣八不自歌舞不得輒往聽不過中食此八戒名八關齋戒關者閉也禁也白樂天詩八關淨戒齋銷日一曲狂歌醉送春莫散花來染衣袂夫女散花見維摩經袂古得切衣前襟也彌陀經曰西方聖衆以衣袂盛花奉諸佛皎然詩天女來相試將花欲染衣禪心定不起還捧舊花歸

右不動菴

寄上高李令懷道

上高隸筠州

李候湖海士。魏志陳登傳元龍湖海之士。瓜葛附婚友。瓜葛婚友見前注。平生各轉蓬。轉蓬見前注。未曾接樽酒。司馬遷報任安書云未嘗銜杯酒接殷勤之歡。寄聲維

勞動。寄聲見前注。江路常永久。節物居然秋。莊子山木篇居然不免于患。蛻蟲悲高柳。謂蟬也。傳聞關學館。鼓士薦豚韭。鼓字如李膺鼓動流俗之鼓禮。

內則豚香用非秋川豔。能使珥筆黔。黔謂黔首也。史記秦紀更名民曰黔首。珥筆見前注。稍知忠信有。論語十室之邑必有忠信。驕虎縮爪距。李翰贊裴旻將軍射虎圖。戰羣虎之命使鋸牙鉤爪戢而莫措。

詩禮開戶牖。事勝感邦人。淵明詠二疏云餘榮何足顧。事勝感行人。伐山謀不朽。漢地理志以漁獵山伐爲業。左傳襄二十四年春穆叔如晉。范宣子逆之問焉曰古人有言曰死而不朽何謂也。穆叔曰魯有

先大夫曰臧文仲既沒其言立其是之謂乎。豹聞之。太上有立德其次有立功其次有立言。雖久不廢此之謂不朽。武功筆如椽。晉王琨傳夢人以大筆如椽與之。文字爛瓊玖。國風木瓜報之以瓊玖。謂子有書

癖。書癖見次韻。答張沙河注。摹篆寫科斗。不珍金石刻。陸士衡文賦被金石而德廣。段墨卿平淮西碑刻金石以揚休德。要我一揮肘。安知乃兒戲。漢周亞夫傳鄉者霸上棘門如

兒戲耳。敢傳萬世後。摩拂幼婦篇。後漢蔡邕題曹娥碑云。黃絹幼婦外孫護白。慙非換鵝手。見王羲之傳李白詩山陰道士如相見爲寫黃庭換白鵝。公其勤勞來。小雅鴻雁序萬民離

散而能勞來還定安集之正義。嘉政民父母。不用琢蒼崖。豐碑在人口。禮公室視豐碑。詩意謂姓蘇人作碑山谷爲書。未章言但能勞來安定則民事之如父母所謂道上行人口似碑無用此也。

口似碑無用此也。